



ჩვენთვის საყვარელია, სიმბოლო ჩვენ ვართ ყველანი!

# სენაკის მუნიციპალიტეტის მთავრობის გაზეთი

სენაკის მუნიციპალიტეტის მთავრობის გაზეთი

2018 წელი №12-13 ((9435-36) 16 036080-15 036080 ფასი 80 თეთრი

მუნიციპალიტეტის მერიამ

## ვიზიტი გერმანიაში

სახალხო უნივერსიტეტის გერმანული ასოციაციის საერთაშორისო თანამშრომლობის ინსტიტუტის (DVV International) მიწვევით, სენაკის მუნიციპალიტეტის მერი ლევან კუპრეიშვილი და სენაკის სათემო განათლების ცენტრის დირექტორი ნონა ქადარია გაცვლითი ვიზიტით გერმანიაში იმყოფებოდნენ. სენაკის, წალენჯიხის, ახალციხის, ჩოხატაურის, ქედის, ამბროლაურის, თეთრიწყაროს, მარნეულისა და ლაგოდეხის წარმომადგენლები სხვადასხვა ქალაქებში



ყოველდღიურად ადგილობრივი ხელისუფლების წარმომადგენლებს ხვდებოდნენ და გამოცდილებას იზიარებდნენ. ვიზიტის დასაწყისში, შეხვედრა გაიმართა ბავარიის პარლამენტის წევრებთან. დელეგატები ასევე იმყოფებოდნენ BMW-ს ცენტრში და ადგილზე გაეცნენ ავტომობილების წარმოების ევოლუციას. ზრდასრულთა განათლების სისტემის და სწავლების ევროპული კონცეფციის გაცნობის მიზნით, დელეგაციის წევრები ესტუმრნენ მიუნხენის ზრდასრულთა ცენტრს, რომელიც 10 ათას კვ.მ-ზეა გაშლილი და სწავლების მრავალი სფერო ფუნქციონირებს - ენების, სამოქალაქო განათლების, სპორტის, კულტურის, პოლიტიკის, კულინარიის და ა.შ. ადგილობრივი ხელისუფლების, ბიზნესის, განათლების ცენტრების წარმომადგენლებთან მრავალფეროვანი შეხვედრებით და გამოცდილებების ურთიერთგაზიარებით დატვირთული ვიზიტი 30 ივნისამდე გაგრძელდა.

## შეხვედრა საგზაო-საავტომობილო სექტორის მსხვერპლებთან

სენაკის მუნიციპალიტეტის მერი ლევან კუპრეიშვილი, მერიის სხდომათა დარბაზში, მუნიციპალიტეტის მერიისა და ნოქალაქევის ქართულ-ბრიტანული ექსპედიციის ერთობლივ პროექტში - „ინგლისური ენის შემსწავლელი საზოგადოებრივი სკოლა“ ჩართულ მოსწავლეებს შეხვდა. შეხვედრას მერის პირველი მოადგილე გრიგოლ ბაღატიანი, საგანმანათლებლო რესურსცენტრის უფროსი



და რეჯან ზარანდია და შესაბამისი სამსახურის წარმომადგენლები ესწრებოდნენ. აღნიშნული პროექტის ფარგლებში, ერთი თვის განმავლობაში, სენაკის საჯარო და კერძო სკოლების უფროსებს და მოსწავლეებს ნოქალაქევის არქეოლოგიურ-არქიტექტურულ მუზეუმ-ნაკრძალში, ევროპის წამყვანი უმაღლესი სასწავლებლების პედაგოგები და სტუდენტები ჩაუტარებენ გაკვეთილებს ინგლისურ ენაში. ამასთან, იგეგმება სხვადასხვა აქტივობები - საზოგადოებრივი სკოლის მოსწავლეებს საშუალება ექნებათ მონაწილეობა მიიღონ არქეოლოგიურ გათხრებში, ჩაუტარდეთ ტრენინგები არქეოლოგიაში, მოეწიოს ექსკურსიები სენაკელი და უცხოელი ახალგაზრდების ჩართულობით. ასევე, დაგეგმილია ამხანაგური მატჩი ფეხბურთში. მუნიციპალიტეტის მერმა ახალგაზრდებთან საუბრისას ხაზი გაუსვა პროექტის მნიშვნელობას, რაც ხელს შეუწყობს ინგლისური ენის ცოდნის გაღრმავებას, ნოქალაქევის არქეოლოგიური კომპლექსის, როგორც ჩვენი ქვეყნის უმნიშვნელოვანესი ისტორიული ცენტრის სიდრმისეულ შესწავლას და სენაკელი და ბრიტანელი ახალგაზრდების ინტეგრირებას, რაც, შესაძლოა, სამომავლოდ ერთობლივი ინიციატივების საფუძველი გახდეს.

## ლტოლვილთა დანიის საბჭოს წარმომადგენლები მერიაში

სენაკის მუნიციპალიტეტის მერის პირველი მოადგილე გრიგოლ ბაღატიანი, საერთაშორისო ორგანიზაცია ლტოლვილთა დანიის საბჭოს (DRC) სამხრეთ კავკასიის წარმომადგენლობის დირექტორს ვინსენტ ჯაკ ივ დონტოტს და დასავლეთ საქართველოს სამხარეო მენეჯერს მზევი ჯოჯუას შეხვდა. შეხვედრაზე თანამშრომლობის გზებსა და გაუმჯობესებულ მომავალში ორგანიზაციის მიერ მუნიციპალიტეტში განსახორციელებულ პროგრამებსა და პროექტებზე ისაუბრეს. აღსანიშნავია, რომ მუნიციპალიტეტში, ლტოლვილთა დანიის საბჭოს მიერ განხორციელებული დევენილთათვის მრავალსართულიანი საცხოვრებელი ბინების რეაბილიტაციის არაერთი პროექტი. მათ შორის: ჭყონდიდელის ქუჩაზე 35 ბინი-



ანი, სანაიას ქუჩაზე 45 ბინიანი, რუსთაველის ქუჩაზე 6 ბინიანი, მარჯანიშვილის ქუჩაზე მდებარე და სხვა საცხოვრებელი სახლების სრული რეაბილიტაცია. ამავე ორგანიზაციის პროექტის ფარგლებში რეაბილიტირდა ყოფილი სასტუმრო „გერისის“ შენობა.

## სათხილავის მუშაობის განვითარების პროგრამის ფარგლებში

სენაკის მუნიციპალიტეტის მერიის ეკონომიკური განვითარების, სტატისტიკისა და ქონების მართვის სამსახურის ორგანიზებით, მოეწყო აგროტური საქართველოს სოფლის მეურნეობის სამეცნიერო-კვლევითი ცენტრის ჯილაურას მრავალწლოვანი კულტურების საკვლევი-სადემონსტრაციო ბაზისა და გარდაბნის მუნიციპალიტეტის სოფელ თელეთის ყველის საწარმოში „თელეთი სენე“. აგროტური განხორციელდა სოფლის მეურნეობის განვითარების პროგრამის ფარგლებში, რომელიც მიზნად ისახავს სხვადასხვა რეგიონში აგრარული სექტორის გასაცნობად ფერმერებისა და ადამინსტრაციული ერთეულების სპეციალისტების გაყვანას. ჯილაურას ხილისა და ვაზის სანერგე მუშაობაში სენაკის მუნიციპალიტეტის მერიის წარმომადგენლებსა და ფერმერებს, მეურნეობის ისტორია, ვაზისა და ხეხილის ჯიშები და იქ მიმდინარე კვლევითი სამუშაოები გააცნეს მევენახეობისა და მეღვინეობის სამსახურის უფროსმა დავით ნინუამ და მეხილეობის სამსახურის სპეციალისტმა ლაშა ციგრაშვილმა. სანერგეში, რომელიც 54 ჰექტარზეა განთავსებული, ქართული ვაზის 437 და უცხოური ვაზის 350 ჯიშში, ასევე, 300 სახეობის ხეხილოვანი, მათ შორის კურკოვანი და კენკროვანი კულტურაა გაშენებული. გარდაბნის მუნიციპალიტეტის სოფელ თელეთში, ახალი ტექნოლოგიებით აღჭურვილი ყველის საწარმოში „თელეთი სენე“ აგროტურის მონაწილეებს შეხვდა საწარმოს დამფუძნებელი ანა მიქაძე-ჩიკვაძე, რომელიც ქართული ტრადიციული ყველის ნაირსახეობების წარმოების აღდგენაზე ყველის უძველესი ტრადიციების ტექნოლოგიების შემსწავლელი სკოლის დაფუძნებაზე ესაუბრა სტუმრებს. საწარმო, რომელიც სურსათის უვნებლობის ყველა მოთხოვნას აკმაყოფილებს, ამზადებს ყველის ისეთ ნაირსახეობებს, როგორებიცაა: სულუგუნი, ხმელი სულუგუნი - ცვილში შენახული, ხმელი სულუგუნი- სანთელში შენახული, ხმელი სულუგუნი- ღვინოში შენახული, სულუგუნის ქისა - სვანური ტექნოლოგიით და ა. შ. აგროტურის ძირითადი მისია სოფლის მეურნეობის დარგში დაგროვილი გამოცდილებების ურთიერთგაზიარება, ურთიერთთანამშრომლობა, ერთობლივი სამომავლო პროექტების დასახვა და განხორციელებაა.



## იუსტიციის სახლის მშენებლობა სენაკში

სენაკის მუნიციპალიტეტის მერმა ლევან კუპრეიშვილმა, მერის პირველმა მოადგილემ გრიგოლ ბაღატიანმა და შესაბამისი სამსახურის წარმომადგენლებმა ყოფილი ღვინის კომბინატის მიმდებარე ტერიტორიაზე, ელიავას 23-ში, იუსტიციის სახლის მშენებლობის პროცესი დაათვალიერეს. მათ ადგილზე განიხილეს მიმდინარე სამუშაოებთან დაკავშირებული საკითხები. აღსანიშნავია, რომ ამ ეტაპისთვის შენობის კარკასისა და საძირკვლის მოწყობა დასრულებულია და მიმდინარეობს გადახურვის სამუშაოები. სიპ „იუსტიციის სახლის“ სენაკის ფილიალის შენობა 587 კვ. მეტრი იქნება და 5965 კვ. მეტრის ტერიტორიაზე განთავსდება. პროექტის მიხედვით, რომელიც არქიტექტორ მიხეილ გიორგობიანს ეკუთვნის, იგი თავისი ინდივიდუალური სტილით ერთ-ერთი გამორჩეული ნაგებობა იქნება, რომელიც არქიტექტურულად და ფუნქციურად გაამშვენებს და ამასთან, გააფართოვებს ქალაქის არეალს. იუსტიციის სახლის კონცეფციის შესაბამისად, სენაკ-შიც სამოქალაქო და საჯარო რეესტრის სამსახურები ერთ სივრცეში მოექცევა. აქვე განთავსდება ქორწინების სახლი და სასწავლო ცენტრი. სახელმწიფო უწყებებისა და კერძო სექტორის 400-ზე მეტი სერვისის ერთ სივრცეში მიღებას სენაკელებიც შეძლებენ. იუსტიციის სახლის სამშენებლო სამუშაოები, რომელსაც ელექტრონულ ტენდერში გამარჯვებული სს „იმერეთი“ ახორციელებს, მიმდინარე წლის თებერვალში დაიწყო და დეკემბერში დასრულდება.



(ბაბრქელაშვილი მამრეზი გვირგვინი)

## ვესაუბრებით ამომრჩევლებს

**№64** სენაკის საოლქო საარჩევნო კომისიების წევრები მოხალისეებთან ერთად სენაკის მუნიციპალიტეტის მასშტაბით მოსახლეობას პირისპირ შეხვდნენ.

საარჩევნო ადმინისტრაციის წარმომადგენლებმა საზოგადოებრივი თავშეყრის ადგილებში მოქალაქეებს საკუთარი საარჩევნო უფლებების, საარჩევნო პროცესების, არჩევნების ისტორიის და საოლქო საარჩევნო კომისიების ფუნქცია/მოვალეობების შესახებ მიაწოდეს ინფორმაცია. მათ ასევე გადასცეს საინფორმაციო ბარათები 2018 წლის პრეზიდენტის არჩევნების და საარჩევნო ადმინისტრაციის მიერ შეთავაზებული სერვისების შესახებ, მოისმინეს მათი მოსაზრებები.

საინფორმაციო კამპანია „ვესაუბრებით ამომრჩევლებს“ განხორციელდა მიმდინარე წლის მაისის თვეში და რამდენიმე ეტაპს მოიცავდა. სენაკის მუნიციპალიტეტის ფოცხოს, ნოქალაქევის, ძველი სენაკის, ნოსიორის თემებში და ქალაქ სენაკში გამართული გასვლითი შეხვედრების შემდეგ, გაიმართა საჯარო შეხვედრა ამომრჩევლებთან და ჩართულ მხარეებთან უშუალოდ სენაკის საოლქო საარჩევნო კომისიაში. კომისიაში ორგანიზებულ საჯარო შეხვედრაზე მოქალაქეებმა მიიღეს ინფორმაცია არჩევნების

ისტორიის და პირველი საყოველთაო დემოკრატიული არჩევნების თაობაზე (პირველი დემოკრატიული არჩევნებიდან 100 წლის იუბილე). ასევე საარჩევნო ადმინისტრაციის განვითარების, მიღწევებისა და ამომრჩევლებისთვის შეთავაზებული სერვისების შესახებ. საოლქო საარჩევნო კომისიაში მისულმა მოქალაქეებმა წერილობით წარმოადგინეს საკუთარი მოსაზრებები.

საინფორმაციო კამპანიის განხორციელებით საარჩევნო ადმინისტრაცია მიზნად ისახავს კიდევ უფრო გაძლიერდეს კომუნიკაცია ამომრჩევლებსა და საოლქო საარჩევნო კომისიებს შორის, მოხდეს მოქალაქეების საარჩევნო ცნობიერების ზრდა და ამომრჩევლებს ჰქონდეს ინფორმაცია საარჩევნო ადმინისტრაციის საქმიანობის შესახებ.

№ 64 სენაკის  
საოლქო-საარჩევნო კომისია



## სიზმარია თუ ცხადი

ქრისტიანულ სამყაროში არ მოიძებნება წმინდანი, მოწამე ან ეკლესიის გამოჩენილი მოღვაწე, რომელიც თავისი სახელით წმინდა გიორგის უტოლდებოდეს.

წმინდა გიორგის სახელი ცნობილია ქრისტიანული ეკლესიის ყველა მიმართულებაში; აგრეთვე მაჰმადიანთა წმინდა წიგნის ყურანის კომენტარებშიც.

განსაკუთრებით წმ. გიორგი ცნობილია ჩვენთან საქართველოში. არც ერთი წმინდანის სახელზე არ მოიპოვება იმდენი ტაძარი, რამდენიც წმინდა გიორგის სახელზეა აგებული.

რატომ არის განთქმული წმინდა გიორგი? რით მოიხვეჭა მან ეს სახელი?

წმინდა გიორგი იყო ქრისტეს პირველი მორწმუნე, რომელმაც დაუფარავად აღიარა ქრისტე. იგი ღიად გამოვიდა ქრისტეს და ქრისტიანული რწმუნის დასაცავად. როცა ხელისუფალთა წარმომადგენლებმა უთხრეს გიორგის: „რა გქვია, აწ, ვინ ხარ შენ, რომ ამდენი გაბუდე ჩვენს წინაშე? მიუგო მათ წმინდა გიორგიმ:

„პირველი და რჩეული სახელი ჩემი არის ქრისტიანობა, ხოლო, რომელიც კაცთაგან მეწოდა არის „გიორგი“.

მას დიდხანს აწამებდნენ და ითხოვდნენ მისგან ქრისტეს უარყოფას, მაგრამ ვერაფერს გახდნენ.

წმ. გიორგი იყო მტკიცე და მოიპოვა გამარჯვება ეშმაკთან, ცდუნებასთან.

წმ. გიორგის ამბავი გავრცელდა მთელს მსოფლიოში და მრავალმა ხალხმა მის მაგალითზე ირწმუნა ქრისტიანობა. მრავალი წლის შემდეგ გაიგეს გიორგის ქართულ წარმომავლობაზეც-ქალღმერთობა, იბერ-ჯიბერელთა წარმომადგენლობა.

თვით სახელიც მეგრული წარმოშობისაა. გიორგის ლაზურ-მეგრულმა სახელმა, რაც ნიშნავს მიწათმოქმედს, მისცა სახელი საქართველოს (გეორგია).

წმ. გიორგის წმ. ნაწილები დადიანების მიერ იყო გადმოსვენებული იბერია-კოლხეთში და

დღემდე ზუგდიდის დადიანების სასახლეში ინახება.

საქართველოში ბევრი საიდუმლოა დაფარული. მოვლენა, რაზედაც მინდა გვიამბოთ ამ შესავლის შემდეგ, უჩვეულო მაგრამ არა ერთადერთია, გვასალიების გვარმა გადაწყვიტა მშობლიურ სოფელში კერძოდ სოფ. ხორშში აგოთ საგვარეულო ეკლესია, ღვთის საყდარი. შექმნეს საგვარეულო ხატი, რა თქმა უნდა წმინდა გიორგის ხატი.

აღნიშნული ხატი უნდა დაბრძანებულიყო გვასალიების ყველა ოჯახში და ამ საღვთო მოგზაურობიდან აშუამდ ჩემს სახლში დაბრძანდა.

ამ ღვთიური განძის ჩემს ოჯახში დაბრძანებას მივუძღვენი ღეჟის, რომელიც მინდა მკითხველსაც გვაცნო.

სიზმარია თუ ცხადი  
სიზმარია თუ ცხადი  
სახლში მობრძანდა ხატი,  
თან მოაბრძანა უფლის  
სიყვარული და მადლი.

ეს ღვთის ნებაა ალბათ,  
წმინდად დალოცა სახლი,  
მასში მცხოვრებლებს მისცა  
იესოს მცნება ათი.

ამგვარ მოვლენას ერქმევა  
ისეოს სულით ცხება,  
დღეიდან სახლში იმეფებს  
იესოს მადლი და რწმენა.

დე, მუდამ ენთოს მათ გულში  
ღვთიური, წმინდა სანთელი,  
და უნათებდეს გზა-სავალს  
იესოს სულის ნათელი.

მერი ბვასალია

რედაქციის სახელი: პუბლიკაციაში  
მოქმადილი შატბუბი ავტორისეულია.

## ავთანდილ ჩარვაზია



ავთანდილ ჩარვაზია ცხოვრობდა ადამიანების თანადგომით და სიკეთის ქმნის სურვილით.

თვალისწინებით უფროსი დედა სულიერ და ზნეობრივ ღირებულებებს. კეთილშობილებით, პირადი მეობით წარსულის შემკვიდრეც იყო და მომავლის შემოქმედიც. ტრადიციების ერთგულებით, წიგნის სიყვარულით. გაზარდა შვილები. ამასვე უნერგავდა შვილიშვილებს.

ავთანდილ ჩარვაზიას ოჯახის კარი ყოველთვის ღია იყო მოკეთ-მოყვარისათვის, მეგობრისთვის. ავთომ იცოდა, რომ ამ ცხოვრებაში სხვასაც ბევრი რამ აქვს გადასატან-გასაძღები, ამიტომაც გულმხურვალედ უწვდიდა ხელს მასთან თანადგომის საძიებლად მოსულ ყველა პიროვნებას.

ენერგეტიკის სფეროში მოღვაწეობდა, მტკიცედ სწამდა, რომ მისი საქმიანობა სჭირდებოდა საზოგადოებას, ხალხს.

22 ივლისს 76 წელი შეუსრულდებოდა. ნაადრევად წავიდა ამქვეყნიური ცხოვრებიდან დიდ ტკივილი დაუტოვა მეუღლეს, შვილებს, დრომ ვერ გააფერმკრთალა მისი მონატრება.

ავთო ჩარვაზიას შთამომავლობა გაძლიერდა, გაფართოვდა, კიდევ ორი შვილიშვილი შეემატა ავთო ბაბუს სახელოვან შთამომავლობას მისი გარდაცვალების შემდეგ.

სიცოცხლე გრძელდება ავთანდილ ჩარვაზიას ოჯახში. კრიალონის მძივებით იმარცვლებიან დღეები, წლები. წლებს თან მოჰყვება ბევრი სიხარული, ზოგჯერ წყენა და ტკივილიც... ხსოვნა კი უკვდავია, სახენათელი, ღმილიანი კაცის ხსოვნა.

მამობრუბი

საინფორმაციო ცენტრის თანამშრომლები თანაუგრძნობენ სენაკის №1 საჯარო სკოლის პედაგოგს იმა შარტავას დედის  
ეთერ შარტავას  
გარდაცვალების გამო

<p>სარედაქციო კოლეგია მთავარი რედაქტორი: ნინო სარტავია რედაქტორი: მამია ბაღატიანი კორექტორები: მანია ბერბაია, მარიკა მიქაბერიძე ეკონომიკური სამსახურის სპეციალისტი შუალიშა ჩანტავია</p>	<p>რედაქციის მისამართი: სენაკი, ჭავჭავაძის ქ. №103 ტელ: 27 61 50 რედაქცია ხელმძღვანელობს თავისუფალი პრესის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს ინდექსი 66529</p>	<p>რეგისტრირებულია სენაკის სასამართლოში რეგისტრაციის № 56/7-17 გაზეთი კომპიუტერზე მომზადდა და ოფსეტური წესით დაიბეჭდა ქუთოში შპს „ირიდა“-ს სტამბაში ქუთოში წმინდის №4 ტელ: 0 (493) 22 24 33</p>
---	--	---

### საინფორმაციო მესვერთა ზეგზიდის ცოდნპარკის წარმომადგენელთან



27-29 ივნისს, ზუგდიდის ტექნოპარკში სტარტაპ კვირეულისთვის მზადებასთან დაკავშირებით, სენაკის მუნიციპალიტეტის მერიის სააქტო დარბაზში, მერიის წარმომადგენლებთან, სტარტაპ იდეების მქონე და საკუთარი ბიზნესის დაწესების მსურველ სენაკელ ინოვაციორებთან საინფორმაციო მესვერთა გამართა ზუგდიდის ტექნოპარკის მენეჯერმა ანუკი ასათიანმა. კვირეულის სამიზნე აუდიტორია სტარტაპები და საკუთარი ბიზნესის დაწესების მსურველი პირები იქნებიან. ღონისძიება მოიცავს სპიკერების 10 წუთიან გამოსვლებს და გამოფენას, სადაც მოეწევა მონაწილე ორგანიზაციების საინფორმაციო და ვიზუალური მასალების კუთხე. მენეჯერმა ისაუბრა კვირეულის დიდ შესაძლებლობებზე დაწესების ბიზნესმენებისა და ინოვაციორებისთვის იდეების განვითარების ხელშეწყობის და მათთვის ტექნოლოგიური ბაზის უზრუნველყოფის თვალსაზრისით. ღონისძიებაში მონაწილეობის მსურველებს შეუძლიათ ეწვიონ ვებ-გვერდს: [www.startupweek.ge](http://www.startupweek.ge) და გაიარონ რეგისტრაციის მარტივი პროცედურა. აღსანიშნავია, რომ მესვერთა ზეგზიდის ინოვაციის კონკურსში გამარჯვებული ალექსი შუშანიას სახელობის სენაკის მართლმადიდებლური სკოლა-გიმნაზიის მოსწავლეთა გუნდის „სმარტ ქილდის“ წევრებმა, მენტორ უტა კილაშვილთან ერთად, გამართეს პროექტ „გეოლოგიური საფრთხეებისა“ და სხვა უახლესი პროექტების პრეზენტაცია. აქვე დაიბადა ტექნოპარკისა და სენაკელი ნორჩი გამოგონებლების სამომავლო ერთობლივი პროექტების განხორციელების იდეა.

### ნატონაოს უბანში

ნატონაოს უბანში ქალაქ სენაკის მშენებლობის ქუჩაზე, ნატონაოს უბანში, გარე განათების ღამიანი მონტაჟი დაიწყო. გარეგანათების ქსელის მოწყობის პროცესი დასრულდა ახალ-სოფლის ადმინისტრაციულ ერთეულში - კოსტავას ქუჩიდან საჯარო სკოლის მიმდებარე ტერიტორიის ჩათვლით. აღსანიშნავია, რომ ღამიანი მონტაჟის მოწყობის სამუშაოები ორივე უბანში დღემდე არ განხორციელებულა. სამუშაოებს მუნიციპალიტეტის საზოგადოებრივი მომსახურების ცენტრი აწარმოებს.

### სენაკის თეატრის სრული რეაბილიტაცია ადგიურად მიმდინარეობს

კულტურული მემკვიდრეობის ძეგლის - აკაკი ხორავას სახელობის სენაკის სახელმწიფო დრამატული თეატრის სრული რეაბილიტაცია აქტიურად მიმდინარეობს. მუშაობის პროცესს სენაკის მუნიციპალიტეტის მერი ლევან კუპრეიშვილი, მერიის პირველი მოადგილე გრიგოლ ბადათურია და შესაბამისი სამსახურის წარმომადგენლები ადგილზე გაეცნენ. რეაბილიტაცია, რომელიც ფონდ „ქართუს“ მხარდაჭერით ხორციელდება, თავისი მასშტაბით უპრეცედენტოა თეატრის ისტორიაში. შენობას ჩაუტარდა პირველადი აღდგენითი სამუშაოები. გამოიკვალა სახურავი, მოეწყო თბოიზოლაციის და სადრენაჟე სისტემები. დასრულებულია გათბობის, კონდიციონერებისა და ვენტილაციის სისტემების მონტაჟი, სრულად განახლებულია ელექტროაყვანილობა. ამ ეტაპზე დასრულდა რიგელების, სართულშუა გადახურვის ფილების, კიბის უჯრედების, ასევე, სვეტების ლითონის კონსტრუქციებით გამაგრების სამუშაოები. გამოიკვალა კარ-ფანჯრები. დასრულდა გარე ფასადის რეაბილიტაცია. სრულად უტარდება რეაბილიტაცია სცენის სივრცეს. დაწყებულია თეატრის უნიკალური მხატვრობის რესტავრირება, რომელზეც მხატვართა ჯგუფი მუშაობს. მიმდინარეობს შენობის შიდა ჭალების და გარე ფასადის 6 დიდი სანათის რეაბილიტაცია, რომელთაგან 2008 წლის აგვისტოს დაბომბვების დროს სრულად განადგურებული ერთი სანათი ჩამოსხმულია და უახლოეს დღეებში დასრულდება. მომდევნო ეტაპზე დაიწყება ასევე თანამედროვე სტანდარტების სასცენო განათებისა და აკუსტიკის სისტემების მონტაჟი. სენაკის სახელმწიფო პროფესიულ-დრამატული თეატრის შენობის სრული და ყოველმხრივი რეაბილიტაცია 2019 წელს დასრულდება, რომლის შემდეგაც იგი შეძლებს უმაღლესი სტანდარტების დაკმაყოფილებას და უმასპინძლებს საერთაშორისო დონის ფესტივალებსა და ღონისძიებებს. თეატრის შენობა, რომელიც ქვეყნის მასშტაბით გამორჩეულია თავისი არქიტექტურული, კულტურული და ისტორიული ღირებულებებით, 1953-59 წლებში დააპროექტა არქიტექტორმა ვახტანგ (ხუტა) გოგოლაძემ.



მუნიციპალიტეტის მერიის საზოგადოებასთან ურთიერთობისა და საინფორმაციო უზრუნველყოფის სამსახური

### კვლევითი-95

### რეგიონალური მედია-გამომწვევები, პრობლემები



ნომრის საპატიო სტუმარია გახეთ „სამტრედიის მაცნეს“ მთავარი რედაქტორი ქალბატონი ქეთევან ჭვლიძე. „კოლხეთელებმა“ გადავწყვიტეთ ქალბატონ ქეთევანისთვის რამდენიმე კითხვით მიგვემართა. ჩვენი საუბარი რეგიონალური მედიის პრობლემებს შეეხება. მომავალში უფრო აქტიურ თანამშრომლობას ვაპირებთ „სამტრედიის მაცნეს“ რედაქციასთან, რაც ცალკეული ინფორმაციების გაცვლა-გამოცვლით, გამოცდილების გაზიარებით იქნება შესაძლებელი.

მადლობას ვუხდით ჩვენს კოლეგას ფრიად საჭირო რჩევებისა და კვალიფიციური, კომპეტენტური მოსაზრებებისათვის.

ქალბატონო ქეთევან, რა არის რეგიონალური მედიის ძირითადი გამოწვევა?

ახასო რეგიონის ცხოვრებაში არსებული ყველა აქტუალური საკითხი. როგორ ავსახავთ, ეს უკვე პურნალისტის პროფესიონალიზმსა და საკითხის მიმართ მის ობიექტურობასა და ამოკიდებულებს. ვფიქრობ, რეგიონალური პურნალისტისთვის, მით უფრო, თუ იგი ამოუკიდებელ გახეთში არ მუშაობს, არ არის ადვილი, ბალანსი შეინარჩუნოს. პურნალისტი ერთი რომელიმე მხარის პოზიციას არ უნდა გამოხატავდეს. მისთვის მთავარი სიტუაციის რეალური ახსნა და საზოგადოებამდე ასეთი ფორმით მიტანა უნდა

წარმოადგენდეს. ვამბობ ხოლმე, ბეჭდის ხიდზე გვიწევს გავლა-თქო. იმიტომ კი არა, რომ ვინმეს ვახსიამოვნოთ, არამედ ისე არ ვთქვათ და დავწეროთ, გული ვატკინოთ. ფაქტის, მოვლენის მიმართ საზოგადოება ანტიპათიურად არ განგაწყოთ. თვით ცენზურა არ ნიშნავს სიტყვის თავისუფლების შეზღუდვას, პირველ რიგში, ეს მორალური და ეთიკური ნორმაა თითოეული ჩვენგანისთვის. კომპიუტერულმა ტექნოლოგიებმა პრობლემები შეუქმნა ბეჭდურ მედიას. ინტერნეტსივრცე სწრაფი და მეტი ინფორმაციის მოპოვების საშუალებას იძლევა, ამას დაუმატეთ მოსახლეობის სოციალური და ეკონომიკური პირობები, მათი გადინება ქვეყნიდან. მკითხველი რომ „დაამაგროს“ ამას ფინანსებიც სჭირდება. პურნალისტი სულ უნდა მოძრაობდეს და პირველი იგებდეს ამბავს მკითხველამდე რომ მიიტანოს და გახუთიც კითხვადი გახადოს. ფინანსების სიმწირე განსაზღვრავს იმას, რომ რეგიონალური მედია ხშირად ვერ ახერხებს ადგილობრივი მოსახლეობის პრობლემების ან, გნებავთ, სიკეთის გასაჯაროებას. ამასთან, არსებობს საზოგადოების დიდი ნაწილი, რომელიც გარკვეული მიზეზების გამო ცდილობს არ დააფიქსიროს თავისი აზრი. ასე რომ, რეგიონალურ მედიას ბევრი გამოწვევა აქვს, თუმცა, ჩვენ მაინც ვცოცხლობთ!

თქვენ მრავალი წელია ემსახურებით პურნალისტის პროფესიას, გკონიათ თუ არა უკმარისობის განცდა, რისი გაკეთება გინდობდათ, რა გააკეთეთ, რა ვერ შეძელით...?

– რა თქმა უნდა, უკმარისობის განცდა ყოველთვის არსებობს, როგორ კარგადაც არ უნდა აკეთებდეს საქმეს. თვითკამოფილდებით ტკობა ნიშნავს, რომ ყველა შესაძლებლობა ამოწურე. 87 წლის „სამტრედიის მაცნე“ მუდმივად ახლის ძიებაშია. ჩვენი და თქვენი გახუთის სიჭარბეც ეს განსაზღვრავს. ვცდილობთ, ფეხი ავუწყოთ დროს და საზოგადოების ნებისმიერ ფენას აუცილებელი თემები მივაწოდოთ, საინტერესო ადამიანები მოვიძიოთ, პოლიტიკასა და რეგიონში მიმდინარე მოვლენებზე ვიკამათოთ, მათი აზრი განვავრცოთ. მაწუხებს ის, რომ ადგილობრივ დონეზე კომუნიკაცია თითქმის აღარ არსებობს სამართალდამცავებსა და პურნალისტებს შორის. მეტი თემებია საჭირო ეკონომიკის, ჯანდაცვის, განათლების საკითხებზე და ა. შ.

რამდენად გიცით, ცენტრალურ მედიას ნაკლებად აინტერესებს „პროინციული ამბები“, თქვენი აზრით რა ჯობია, სენსაციური თემები თუ ისტორიას შემოვუბნახოთ მუნიციპალიტეტში გამორჩეულ ადამიანთა სახეობა(პედაგოგი, ექიმი თუ სხვა)?

– პროინციული ამბები კვებავენ და უფრო საინტერესო ხდის მედიას. მის გარეშე წარმოუდგენელიც კი არის მისი არსებობა. სამწუხაროდ, როგორც კარგი გახუთიც

არ უნდა გააკეთო, რეგიონებშიც დედაქალაქის გახუთები უფრო მთხოვნადია. პოლიტიკური თუ სამართლებრივი თემების მასშტაბურობის, ცნობად სახეებზე მეტი ინფორმაციების მოპოვების გამო ხდება. თუმცა, გასაღების ბაზარზე მათი რეალიზაციაც შემცირდა, ისევე და ისევე იმ პრობლემების გამო რომელზეც ზემოთ ვისაუბრეთ. რა თქმა უნდა, ვწერთ წარმატებულ ადამიანებზე, რომლებიც თავიანთი ცხოვრების წესით, საქმიანობით, პროფესიონალიზმით სხვებს მაგალითებს აძლევენ. აუცილებლად უნდა ვწეროთ წარმატებულ ახალგაზრდებს. რაც შეეხება სენსაციურ თემებს, ვფიქრობ, რაღაც დოზით ესეც უნდა იყოს. არ გვულისხმობ ყვითელ ამბებს, მკითხველს მხოლოდ რომ იზიდავს და არაფერს უტოვებს. სენსაციური ამბები, რომლებიც თავისი შინაარსით და მასშტაბურობით მნიშვნელოვანია, კითხვადს ხდის გახუთს.

თქვენ როგორ თვლით, სჭირდება თუ არა რეგიონალურ მედიას მეტი ყურადღება საზოგადოების, ხელისუფლების თუ ბიზნესის მხრიდან?

– პირველ რიგში, საზოგადოებამდე თვითონ მედია უნდა მივიდეს, მისი ნდობა მოიპოვოს. რადგან საბაზრო ეკონომიკის პირობებში, მედიის არსებობა -არარსებობას სხვა ფაქტორებიც განსაზღვრავს, სასურველია, მხარდაჭერა ჰქონდეს. მაგრამ ეს არ უნდა ხდებოდეს დამოუკიდებლობის დაკარგვის და მიკერძოების ფონზე.

რა არის საჭირო იმისათვის, რომ გახუთი იყოს გაყიდვადი?

– ამაზე ძალიან ბევრს ვფიქრობ. თემების მრავალფეროვნება, ობიექტურობა, პროფესიონალიზმი და ფინანსები – ამ ყველაფრის ერთობლიობა, ალბათ, შესაძლებელს გახდის გახუთი უფრო გაყიდვადი. დღევანდელ პირობებში ეს იოლი არ არის, მაგრამ კარგი მენეჯმენტის შემთხვევაში, ასე თუ ისე, შესაძლებელია.

ქალბატონო ქეთევან, რას უსურვებთ „კოლხეთს“ და ქართველ პურნალისტებს?

– უპირველესად მადლობა თქვენს გახუთს ინტერვიუსთვის. ვუსურვებ „კოლხეთს“ მართალ გახუთ მართალი სიტყვით ველოს, მკითხველი არ მოჰკლებოდეს, თემების სიუხვე ჰქონოდეს და დიდხანს ყოფილიყოს თავისი ხალხის სამსახურში. ქართველ პურნალისტებს კი – კარგ მოქართულებობას, ობიექტურობას, მიუკერძოებლობასა და წარმატებებს ვუსურვებ!

მოამზადა მაია შერბაია

# ვაჟა დანელია - ყურმღერული ამბები ცომარა ოქრო და დიდი წიგნები

XX-XXI საუკუნეების მიჯნაზე საქართველოში სწავლების ახალმა მიმართულებამ გაშალა ფრთები - „კითხვა და წერა კრიტიკული აზროვნებისთვის“ (ეტიკა, უწინ წერა და კითხვა დასახლებულად გამოიყენებოდა). მართალია, ჯერ კიდევ მე-19 საუკუნის მეორე ნახევარში იაკობ გოგებაშვილი „დედადნის“ წინასიტყვაობაში წერდა: „ჩვენ ვცდილობდით საკითხავ მასალას, ერთი მხრივ, პქონილად რაც შეიძლება მომეტებული მიმზიდველი ძალა ბავშვებისათვის, რომ იგი ყოველივე მისთვის სავსე ინტერესით და, მეორე მხრივ, მის შინაარსს წარმოედგინა არა ღარიბი მასალა ბავშვის გონების გახსნისა და განვითარებისთვის“, მაგრამ გოგებაშვილი, აბა, იმდენს რას შეძლება, რომ ბავშვებს კრიტიკულად ეაზროვნათ...

იმ წელიწადს საქართველოს ერთი ჩია გამოსწორულწერიანი ამერიკელი პროფესორი ეწვია სემინარების ჩასატარებლად, რომლებსაც კონიაც დაესრო. სტუმარს მაიკლი ერქვა. ჩვენამდე აფრიკაში უმოგზაურია, ახლა კავასიელ პაპუასებს მოადგა განმანათლებლად. ჯერ კითხვა-წერის მნიშვნელობას (მანამდე ეს საიდან უნდა გვეცოდნოდა) და საწერ საშუალებებს ილაპარაკა: თუკი ფურცლებს ვერ იშოვით, ეს პრობლემა არ არის: სახლში ძველი გაზეთი გექნებათ, ფანჯარაზე გააკარით, მზის სხივები ნაწერებს ამოჭამს და მერე იმ ქაღალდს საწერად გამოიყენებთ ან კედელზე ნახშირით მიწერეთ (დამსწრეთაგან, კონიას გარდა, არავინ შეშუშუნულა) თქვენი აზრი, რომ არ დაგავიწყდეთო. გალაკტიონისა და ასანთის კოლოფის ამბავი სცოდნია და გველადაგებო, გაიფიქრა კონიამ. მერე ვაკეში მეზობლად მცხოვრები მარო და ნახშირით კედლის მომხატავი მისი ვაჟი წარმოუდგა თვალწინ. ალაღად შეეცოდა, პატარა მისო.

ამასობაში სტუმარს დიდ წიგნებსა და მათს მნიშვნელობაზე დაუწვია თხრობა. გატაცებით ილაპარაკა, თუ როგორ მოსწონთ ბავშვებს დიდი წიგნები. განსაკუთრებით - ნახატებიანი, როგორ ვერ ელევინ მის კითხვას.

-თუ გადათვალე რაბა? - ჩაილაპარაკა კონიამ, მაგრამ მისი რეპლიკისთვის ყურადღება არავის მიუქცევია.

ის იყო, გაბადრულმა სტუმარმა ჰაერი ხარბად შეისუნთქა, რომ კონიამ ხელი ასწია. გისმენო, უთხრა პროფესორმა.

- ჩემ გვერდით ტომარას ხედავთ?
- რაო? - გაცემისგან პირი დაალო უცხოელმა.
- ოქროთია სავსე ეს ტომარა, - სტუმრის დაბნეულობისთვის ყურადღება არ მიუქცევია კონიას.
- ვხედავ, ვხედავ! - ახლა ირონიული ღიმილი უპასუხა მაიკლმა. მის გამჭოლ მხერაში აშკარად იკითხებოდა - ეს კაცი ნორმალური არ უნდა იყოსო.
- 150-მდე კილო ოქროა.
- მერე?
- გსურს, წაიღებო.
- ახლავე? - ვითომ ხუმრობაში აყოლა სცადა.
- ფინალის მოლოდინში დარბაზი გაისუსა.
- დიახ, თორემ სხეები დაგასწრებენ.
- ვერ წავიდებ!
- რატომ?
- ვერ მოვერევი. - მაიკლმა ისევ სცადა გაღიშება.
- როგორ, ეს ხომ ოქროა!
- მაგრამ მიიმეა!
- ჰოდა, ასე მიიმეა პატარებისთვის თქვენ მიერ რეკომენდებული დიდი წიგნები, რომელთა ზიდვაში მოხარდებს ბებია-ბაბუები და მშობლები ურმებით ეხმარებიან და ივინებიან...
- სტუმარი გაშრა.
- ამ წიგნებს კი ყმაწვილები როგორი თავდავიწყებით კითხულობენ, მშობლებს ჰკითხეთ, - ეს უკვე თავისთვის ჩაილაპარაკა კონიამ.

## მუსიკას დიდი ბაღა აქვს

ღმერთმა მუსიკა საწერად უბოძა ჩვენს გულს. მუსიკას დიდი ძალა აქვს, ის დიდ გავლენას ახდენს ჩვენს სულზე, გონებასა და სხეულზე. შეუძლია დაგვაშვიდოს, ძალა შეგვძობოს და კარგ ხასიათზე დაგვაყენოს. მუსიკის გარეშე ცხოვრება შეცდომა იქნებოდაო-ბრძანა გერმანელმა ფილოსოფოსმა ფრიდრიხ ნიცშემ. თანამედროვე მეცნიერებმა კი დაამტკიცეს, რომ მუსიკა სასარგებლოა ჯანმრთელობისათვის, ხოლო სწორად შერჩეული მუსიკა კი ბავშვისა და მოზარდის გონებრივ განვითარებას უწყობს ხელს. სწორედ რომ ამის ნათელი დადასტურება იყო 25 ივნისს, სენაკის მუნიციპალიტეტის ხელოვნების ცენტრის სამუსიკო სკოლის სულხან ცინცაძის სახელობის დიდ საკონცერტო დარბაზში გამართული, რესპუბლიკური კონკურსების ლაურეატის, IX კლასის მოსწავლის ლიზი ხურციას სოლო კონცერტი (პედაგოგები ელენე ხოშტარია, ნათია შურდულაია) კონცერტში ლიზისთან ერთად მონაწილეობდნენ რესპუბლიკური და საერთაშორისო კონკურსების ლაურეატი, ამავე სკოლის კუსდამთავრებული ნინო ვერულავა და საორკესტრო განყოფილების (ვიოლინო) IV კლასის მოსწავლე ქრისტინე ნინუა. გოგონებმა შეასრულეს შოპენის, გრიგის, მოცარტის, რუბენშტეინის... ნაწარმოებები და მაყურებელთა დიდი მოწონება დაიმსახურეს.



ლიზი ხურცია სენაკის მუშვიდ საჯარო სკოლის X კლასის წარჩინებული მოსწავლეა და საქართველოს განათლებისა და მეცნიერების სამინისტროს პროექტის „ჩემი პირველი კომპოზიციები“ მიღების კანდიდატი. თავის მიღწევებზე საუბარი დიდად არ უყვარს. სასკოლო საგნებიდან ყველაზე მეტად უყვარს ფიზიკა. მუსიკაზე საუბრისას თვალები სულ სხვაგვარად უციმციმებს:

„მუსიკას ჩემს ცხოვრებაში განსაკუთრებული ადგილი უჭირავს, დავამთავრე სახელოვნებო სკოლის ცხრაწლელი ფორტეპიანოს განხრით. აქამდე საორკესტრო განყოფილების V კლასში ვარ ვიოლინოს განხრით. ჩემს წარმატებაში დიდი წვლილი მიუძღვით ჩემს პედაგოგებს ელენე ხოშტარიასა და ნათია შურდულაიას.

პედაგოგები დადებითად ახასიათებენ ლიზის. ნათია შურდულაია: - ლიზი ძალიან ჭკვიანი გოგონაა, ნიჭიერი, მონდომებული, მოწესრიგებული, მაღალი პასუხისმგებლობის მქონე, კომუნიკაბელური, გარდა იმისა რომ კარგად სწავლობს, არის მოსიყვარულე და მეგობრებსაც ძალიან უყვარს. მინდა გითხრათ, რომ ნებისმიერი პედაგოგისთვის სასურველია ასეთი მოსწავლის ყოლა.


2017-2018 სასწავლო წელი განსაკუთრებულად წარმატებული იყო ხელოვნების ცენტრის სამუსიკო საფორტეპიანო განყოფილების II კლასის მოსწავლე დათუნა ჭანტურიათთვის. დეკემბრის თვეში გამართულ „ეტიუდების კონკურსში: ეტიუდების საკუთესოდ შესრულებისათვის I პრემია მოიპოვა, მაისის თვეში კი პირველი ადგილი დაიკავა ვიქტორინაში. უფრო მეტიც, ვალერიან შიუკაშვილის მიერ დაარსებულ სენაკის არტ ფესტივალში, რომელიც აერთიანებს მთელ დასავლეთ საქართველოს, მოიპოვა „საპატიო დიპლომი“.

დათუნამ სასწავლო წელი წარმატებით დაასრულა და სოლო კონცერტით წარსდგა მსმენელების წინაშე, შეასრულა რვა საფორტეპიანო ნაწარმოები და დიდი მოწონება დაიმსახურა. დათუნას, როგორც პატარა პიანისტის ჩამოყალიბებაზე ზრუნავენ პედაგოგი ელენე ხოშტარია, თეორია-გრიგია სამინავა და ლამზირა ხურცია.

ქალბატონ ელენეს გამორჩეულად უყვარს დათუნა, მასზე ყოველთვის აღფრთოვანებით საუბრობს: „უკვე 43 წელია ვეწევი პედაგოგიურ მოღვაწეობას სენაკის სამუსიკო სკოლაში, რამდენი მოსწავლე მყოლია, მაგრამ ეს პატარა ვაჟკაცი ინდივიდუალურად გამოირჩევა, ის ძალიან მოწესრიგებული, ყურადღებიანი და მოკრძალებულია, არის თავისი ასაკისათვის ზედმეტი შრომისმოყვარეც კი.“

თავიდან სამუსიკო სკოლის დირექტორმა ქალბატონმა რუსუდან მილოტინმა შეგვახვედრა. დათუნამ მიიქცია ჩემი ყურადღება თავის ლამაზი, ჭკვიანი, მკვირცხელი თვალებით, მეორე წელია ჩემი მოსწავლეა და ეუფლება ფორტეპიანოსზე დაკვრას. მან I კლასი წარმატებით დაამთავრა, მაღალი შეფასებები დაიმსახურა სოლფეჯიოსა და მუსიკის მოსმენაში. დათუნას მშობლები, პროფესიული ექიმები ია ნიკურაძე და აკაკი ჭანტურია ყველანაირ პირობას უქმნიან შეიღოს, რათა ეზიაროს მუსიკის მადლს.

„კოლხეთის“ რედაქცია ულოცავს ლიზის და დათუნას სასწავლო წლის წარმატებით დამთავრებას და უსურვებს ღირსეულ სვლას მუსიკის რთულ გზაზე.



\*\*\*

## სიცოცხლე შემინარჩუნეს

გულის ავადმყოფობის გამო, სასწრაფოდან გადამიყვანეს თბილისში შ.პ.ს. კარდიოლოგიური კლინიკაში „გული“. ჩემს გადარჩენას არავინ ელოდა, მაგრამ სასიხარულოა, რომ კლინიკას ჰყავს დაუდალავი, ერთგული და დაუმრეტელი ენერჯის მქონე ადამიანი, ექიმ - კარდიოლოგი, ქალბატონი ინგა ჯანაჯღავა. მან ყველაფერი იღონა ჩემს გადასარჩენად.

ქალბატონი ინგა! დაილოცოს თქვენი გული, თვალნი და მოუღწევი მარჯვენა. მართლაცდა რამხელა შეგებაა სატეკივარის მორჩენა, ავადმყოფის გამოჯანმრთელება საამისოდ მხოლოდ ცოდნა როდი კმარა.. მკურნალს ალღო უნდა პქონდეს, რომ ავადმყოფობის მიზეზი ამოიცნოს და სწეულს შეგება მოგვაროს. აფერუმ თქვენს ქალობას ქალბატონი ინგა. თქვენ სიცოცხლე შემინარჩუნეთ, მადლობა ყველაფრისთვის.

აქვე მინდა სიყვარულით ავღნიშნო ექიმები ხათუნა ქვილორია, მაკა ნაჭყებია ი. დავითაშვილი, გ. გეტმაჩი, მედლა ირა გიქიაშვილი. მადლობა თქვენ, მთელი თქვენი ცხოვრება გვაზრავდეთ უფლის თვალი და მარიამ ღვთისმშობლის კალთა.

ბატონო ანხორ! როცა ასეთი მაღალკვალიფიციური სპეციალისტებით დაკომპლექტებული თქვენი კლინიკა, ის მუდამ იქნება პრესტიჟული სამედიცინო დაწესებულებათა რიცხვში.

უფაღმა დიდხანს მოგცეთ იმისი ჯანი და უნარი, რომ კვლავაც და კვლავაც ასე შემართული იდგეთ ადამიანთა ჯანმრთელობის სადარაჯოზე.

დაგლოცოთ უფაღმა!

ლაპარა კჰპრმი0330ლი-ტჰმბზუნაზა

## სპორტი ბიოდ

სამეგრელო-ზემო სვანეთის ძიუდოს ფედერაციის ორგანიზებით მიმდინარე წლის 16-17 ივნისს მესტიაში გაიმართა თაემის ოლიმპიური თამაშების ვერცხლის პრიზიორის, ნესტორ ხერციანის სახელობის საერთაშორისო ტურნირი ჰიდაობა ძიუდოში, სადაც სენაკიდან მიწვეული იყვნენ ა(ა)იპ ძიუდო-სამოს კლუბ „ავახას“ წევრები (დამფუძნებლები კობა ბოჯგუა, ელგუჯა გვახალია, თემურ ვახანია). ადნიშნულ შეჯიბრებაზე წარმატებით იასპარეზეს მათმა აღსაზრდელებმა: ალექსი გვახალიამ (46კგ) მეორე, ხოლო ტატო ფოტელიძემ (50 კგ) და გიორგი მირგატიამ (30 კგ) მესამე ადგილი დაიკავეს. აქვე აღსანიშნავია, რომ ამ უკანასკნელს გადაეცა საუკეთესო ტექნიკისათვის დაწესებული პრიზი.



ეს ამ კლუბის პირველი წარმატება არაა, რადგან სულ 30 მაისს კლუბის ერთ-ერთმა დამფუძნებელმა და ვეტერანმა სპორტსმენმა ელგუჯა გვახალიამ (90 კგ) მეორე ადგილი დაიკავა საქართველოს ძიუდოს ფედერაციის მიერ გამართულ ვეტერანთა ტურნირში. იგი 15 ივლისს მიწვეულია შოთა ჩოჩიყვილის სახელობის პირველ საერთაშორისო ტურნირში ვეტერანთა შორის.

აკაკი და სამეგრელო

ბედნიერებაა, რომ აკაკი წერეთელი როგორც სახალხო მგოსანი და ჭირისუფალი, ყავდა საქართველოს ახალს ვერაფერს ვიტყვი. მისი ლირიკული სამყარო და ბუნება ჭეშმარიტად ღრმა ეროვნულია და თავისებურებით გამორჩეულად სხვა პოეტებისაგან განსხვავებით, მას ახასიათებდა მკაფიოდ გამოკვეთილი ხალხისიანი თვისება, წილნაყარი ბუნებრივ სათნოებასთან, იუმორთან, ადამიანურ სიფაქიზესთან.

ამიტომაც, აკაკის ფენომენის შემფასებლები განმარტავენ, რომ ის იყო ნასაზრდოები ზოგადნაციონალური ბუნების იშვიათი ხასიათით და ამ თვისებას ის ავლენდა სხვა ხალხთა კულტურის პატივისცემასა და განსაკუთრებით, საქართველოს მხარეში მცხოვრებ მოსახლეობასთან დამოკიდებულებაში. მან შეითვისა და შეისისხლეხორცა საქართველოს ყოველი კუთხის ტრადიცია, დამახასიათებელი ყოფითი თვისებებით. სხვა შემოქმედნი ასე მაშტაბურად და სისხავსით არ შეხებიან საქართველო ერის მხარეთა სულის სიმებს.

ამიტომაც უყვარდათ და ესათუებოდნენ მას, როგორც უზადო და მუსიკალური ჟღერადობის ტექსტების ავტორს, რომლის თითოეული სტროფი ლოცვასავით ამადლებულია. საოცარი იყო აკაკის ადამიანური სიკეთე, სიბრძნე, სულის გამონათება. სინათლესავით გამჭვირველე იყო მისი სხარტულები და თბილი იუმორი, გამოთქმული თითოეული ფრაზა მისი სხივივით მცხუნვარე და თურთი ძაფით ნაკსოვი.

გამორჩეულია აკაკის დამოკიდებულება სამეგრელოსადმი. მკითხველს მოვაგონებ რამდენიმე ეპიზოდს იმ სასიამოვნო შემთხვევებიდან. პოეტის მგრძობიარე ურთიერთობა კოლხეთის ხანაებთან, არა მხოლოდ იმის გამო იყო, რომ აკაკის უმცროსი და მავრა (მატა) გამოთხოვილი იყო სოფელ ჯვარში და აკაკის სიძე გახლდათ თავადი ალექსანდრე დადიანი, რომელიც ერთ-ერთი იმის დროს ვაჟაკურად დადიუბა. მატასა და ალექსანდრეს ჰყავდათ ქალიშვილი - ანეტა დადიანი. შემდგომში ცნობილი მოღვაწე-აკაკი ხშირად დადიოდა ზუგდიდსა და ჯვარში. ესწრებოდა ხიდის დასაფლავებას.

ამბობენ, ჯვარიდან მესტიისკენ მიმავალ გზაზე იდგა დიდი ხე, რომელსაც აკაკის ხეს უწოდებდნენ, რადგან სამეგრელოში სტუმრობისას ამ ხის ძირას ხშირად იხევენება მგოსანი. როცა ანეტას მშობლები დაედუნენ, აკაკიმ დისშვილი სხვიტორში წაიყვანა და იქიდან გაათხოვა ჯანსუღ დადიშქელიანზე, რომელიც ქუთაისის გუბერნიაში დიდ თანამდებობაზე მსახურობდა.

სამეგრელოში აკაკის სტუმრობა არა მხოლოდ დის ოჯახის მონახულებითა და მათზე ზრუნვით იყო გამოკუთვნილი. მას, ისევე როგორც საქართველოს ყველა კუთხე, შავი ზეფა და მისი მიმდებარე კოლხეთის ბაღნარი იტაცებდა, აქ მცხოვრებთა სისხარტე, ერის სიმტკიცისადმი მათი ერთგულება და სულის სილადე იხილავდა, მხეხავით კამკამად რომ ავლენდნენ სამეგრელოს მცხოვრებლები. სწორედ ამით იყო განპირობებული მისი განსაკუთრებული დამოკიდებულება კოლხური ფესვების მქონე ადამიანებისადმი. ეს იყვნენ: იონა მეუნარგია, თეოდ სახოკია, დიდი ნიკო დადიანი, ( შალვას მამა) დურტ მეგრელი, გიორგი ჭალადიდელი, ბეჭდაუდებელი ნესტორ ესებუა და სხვები.

1873 წელს აკაკიმ წამოაყენა წინადადება სამეგრელოში გახსნილიყო წერა-კითხვის გამავრცელებელი სკოლა. 1884 წელს ხორცი შეესხა ამ ინიციატივას. ძველ სენაკში დაფუძნდა ქუთაისის სკოლის ფილიალი, რომლის გახსნას ესწრებოდნენ აკაკი წერეთელი, სახელგანთი დიმიტრი ყიფიანი, პოეტი და პუბლიცისტი ნიკო დადიანი და სხვა ცნობილი მოღვაწეები. სკოლის კურთხევაზე აკაკიმ წარმოსთქვა სიტყვა და შესანიშნავად ჩამოაყალიბა სწავლის მნიშვნელობა და ქართველობის იდეა: „ვალდებულნი ვართ შევისწავლოთ ჩვენი წარსული, გავიცნოთ ჩვენი მამა-პაპანი და მათი ღვაწლი, არავითარი გონიერება ამას წინ არ აღუდგება!... ისინიც თავისი ვინაობა არ იციან და თავის თავს ვერ იცნობს, სხვას როგორდა შეისწავლის?... საჭიროა, რომ მარტო აწყოზე არ შეგჩერდეთ. ეს ავგამადლებს ზნეობრივად, ავგვესება გული სიმართლითა და სიყვარულით... მაშინ შეგვეძლება ის სიყვარული სხვასაც გაუფიქროთ: ვინც გვეძებს - ვემოთ“- ამბობს მგოსანი და ვრცელ სიტყვას ამთავრებს შემდეგი სიტყვებით: „იმ ახალ ტაძარში, რომელსაც ჩვენ სასწავლებელს ვეძახით და ერთი რომელთაგანი დღეს აქ ვაკურთხეთ, დაიდაქუნდა შეისწავლონ ჩვენმა შვილებმა თავისი თავი და მიხვდნენ, რომ საქართველოს სხვადასხვა კუთხის მცხოვრებნი ძმები ვართ, სამის ძლიერის, უხრწელის კავშირით საუკუნოდ შეხორცებული. ვიმეორებ, აქ

ამ სკოლაში მიხვდება იმერელი, რომ ის კერძოდ იმერელია, მაგრამ საზოგადოდ კი იგივე ქართველი, აქ გაიგებს მეგრელი, რომ კერძოდ ის მეგრელია, თავისი საკუთარი ფერის მქონი, მაგრამ საზოგადოდ ის ძირეულად ქართველია და თავის კერძოდ მეგრელობით აფერადებს ქართველობას“.

დასახელებულ სასწავლებელში შემდგომში დაწვებითი განათლება მიიღეს: აკადემიკოსებმა კონსტანტინე გამსახურდიამ, არნოლდ ჩიქობავამ, ვარლამ თოფურია, სიმონ ჯანაშიამ, პეტრე ქავთარაძემ და სხვებმა.

საინტერესო და ყურადსაღებია აკაკის განმარტება მეგრული ენის ფენომენისადმი. დიდი მოაზროვნე სახს უსვამს რომ მეგრული დიდებული ენაა და მოუწოდებს მისი შესწავლის და დაცვისაკენ: „მეგრულ ენაში შენახულია თბილ მარგალიტებად ის ძველი სიტყვები, ჩვენ ვურწევთ მწერლებ-მწიგნობრებს, მეტი ყურადღება მიაქციონ მეგრულს, რომ იქიდან ამოკრებილი სიტყვებით შეავსონ დღეს შელახული ქართული ლექსიკონი“.

საინტერესოა ფაქტია: აღმოცენით, თურმე აკაკის მეგრულად წარმოთქვამს ლექსის ერთი სტროფი. უნიჭიერესი ადამიანისაგან ეს გასაკვირი არც შეიძლება იყოს. თუმცა ფაქტი იმაზე მიანიშნებს, რომ იგი განსაკუთრებულ ყურადღებას ინენდა სამეგრელოს მცხოვრებთა ყოფისა და მათი ადათ-წესებისადმი. არსებობს ერთი ლამაზი ისტორია: თურმე სენაკელ ვაჟს შეყვარებია კოლხი ასული ცირა (ხისნახე), რომელიც არ გამოხატავდა ვაჟისადმი თანაგრძობას. გაწბილებული ვაჟი საგონებელში ჩაგარდნილა. ბევრი ფიქრის შემდეგ წვევია მგოსანს და უთხოვინა დახმარებოდა სამიჯნურ ლექსის დაწერაში, რომ ამით მოეხერხებინა სატრფოს გულის მოგება. აკაკის როგორც სწევოდა ხალხისთ გაუწევია დახმარება და მეგრულად შემდეგი შინაარსის სტროფები შეუთავაზებია თავდავიწყებით შეყვარებული ვაჟისთვის:

„სქანი თოლი ჩქიმი სარკე, სქანი გური ჩქიმი ტახტი, უსქანეთი ჩქიმი რინა, ციხე რე ნლო ნაუბახტი“

ანუ „შენი თვალი ჩემი სარკე, შენი გული ჩემი ხატი, უშენობით ჩემი ყოფნა, ციხეა და „გაუბახტი“.

განსაკუთრებულია აკაკის დამოკიდებულება ბეჭდაუდებელი ნესტორ ესებუასადმი. ნესტორი ძველი სენაკის მკვიდრი იყო, დევის ძალის მქონე და ჭიდაობის ნამდვილი ფალავანი. მან ჯერ საქართველოში, შემდეგ თურქეთში და პარიზში მიწვეულმა 20-ზე მეტი შეჯიბვა გამართა და ყველა შეხვედრაზე ტატამზე ბეჭებით გააკურა მოწინააღმდეგე უბადლო ფალავნობით ისე გაითქვა სახელი, რომ ოთხჯერ შეარჩინეს თბილისელ კულა გლდანელს და ოთხიჯჯერ დაამარცხა იგი.

1886 წელს იტალიის ბადში, ორი გოლიათის შერკინებას ესწრებოდა აკაკი წერეთელიც, რომელიც ისე აღფრთოვანდა ნესტორ ესებუას შემართებით, რომ მას მიუძღვნა ვრცელი ლექსი და კიდევ ერთხელ გამოხატა აღტაცება მორკინალისადმი სამეგრელოდან.

„მეორე მხრიდან მეგრელი, გამოძვრა როგორც ტურაო, რომ დაინახა გლდანელი, ლომივით მიაშურაო...“ მივარდა, გულში ხელი ჰკრა ბურთივით გაავლორაო, ვეფხვივით ზურგზე დაახტა, დათვივით მოიტორაო“.

არაერთ სხვა საინტერესო და უცნაურ ამბავს უკავშირებენ აკაკის სახელს. საქვეყნოდაა ცნობილი, რომ ის გახლდათ ენამოსწრებული და ქალბატონების გულთამყრობელი. ამჯერად გაიამბობთ ამბავს, რომელიც დაკავშირებულია მისი შენაღმნიანი ლექსის, ციციანთელა“-ს შექმნასთან: სამეგრელოს გულში, ეგრისის სამეფოს ნაფუძარზე - ახალ სენაკში, აკაკი საპატიო სტუმრად მიიწვიეს ქალაქის პრისტავის, ნიკო დავებუაძის სახლში. სტუმრებს შორის იყვნენ გამორჩეული სენაკელები, მათ შორის სავაჭრო ქსელის მქონე და შავ ზღვაში გემის პატრონი, გილდ-ვაჭარი ალექსანდრე ჭანტურია მუქლითურთ-მშენიერი ელისაბედ(ელი)ბედიას თანხლებით. ელო უმშენიერესი ქალბატონი გახლდათ, რომელსაც ოდესაში გამართულ სილამაზის კონკურსში ჰქონდა მიღებული მონაწილეობა.

საღამო ძალიან მხიარული გამოდგა. ლექსებით, იუმორით, შიარებით გალადებულნი. ელო ბედიას მგოსნისთვის მეგრული ლექსით მიუმართავს, რომელიც ქართულად ასე ჟღერს.

„სინათლე, ელვის დარო, შენ ხარ ჩვენი გულის ვარდი,

ნახვა შენი ისე გველავს, რომ დაგველიოს გინდაც ბანიც.“

მგოსანმა თურმე სახელდახლოდ, მეგრულად მიუძღვნა საპასუხო სტროფები ელო „ხისნახეს“. ამ მოულოდნელობას ტაში და მხიარულება მოჰყვა. აკაკის მიერ მეგრულად წარ-



მოთქმული და ზემოთ მოტანილი ლექსი, მან არა სენაკელ შეყვარებულ ვაჟს ასწავლა, არამედ ელოს საპასუხოდ წარმოსთქვა. ამას ადასტურებენ წვეულებაზე მყოფი სტუმრების შთამომავლები.

უფრო მეტიც, აკაკი იმდენად მოხიბლულა ახალგაზრდა ქალბატონით, მგოსანს ხელსახოცზე დაუწერია ბჭკარები და ელოსთვის ჩუმად მიუცია, სადაც ეწერა:

„ჩემო ციციანთელა! რად მიფრენ ნელ-ნელა? შენმა შორით ნათებამ, დამწვა და დამანელა ანათებ და კარგი ხარ, მე თუმცა არას მარგიხარ! ჩემი იყო, ის მინდა, შენ კი სხვისი ვარდი ხარ.“ ეძღვნება ლიზი . ბ

ექვთობა ნაღვინევეს ვერ მოაგონდა ელოს სახელი და ლიზი დააწერა, თუმცა ბ. აღმნიშვნელია ქალბატონის გვარისა - ბეღია. ელოს შთამომავლები ამბობენ, რომ აკაკის სურათი ქალბატონის ღრმა მოხუცებულობამდე ეკიდა საძინებელ ოთახში, ხოლო, ხელსახოცი მწერლის წარწერით, აკაკის 100 წლის იუბილესთან დაკავშირებით გააგზავნეს მწერალთა კავშირში და შემდგომ მისი ბედი არ იციან.

მეკლევარები აღნიშნავენ, რომ ლექსი „ციციანთელა“ აკაკიმ ადრე დაწერა, როცა ელო პატარა იყო და იგი არ შეიძლება მიედგინა მშენიერი კოლხი ასული-სადმი. თუმცა ფაქტია, რომ ამ ლექსის საუკეთესო ბჭკარები „გაიმეტა“ მშენიერი ქალბატონისთვის.

განსაკუთრებული პატივი იყო აკაკის მიბრძანება ზუგდიდში, დადიანების სასახლეში. მისი ურთიერობა სალომე დადიან-მიურატთან და პრინც ნიკო ნიკოს -ძე დადიანთან. 1896 წელს მგოსანი ესწრებოდა საფრანგეთის პრინცის, აშილ მიურატის გარდაცვალების წლისთავს ჰკადუასში. სასახლო პოეტმა იქ ბრძანა ვრცელი, დიდებული და მარად დასამახსოვრებელი სიტყვები. შეამკო აშილის ღვაწლი საქართველოსა და საფრანგეთს შორის ურთიერობის საკითხში და ხაზი გაუსვა სამეგრელოს ღირსებას. „აბა თუ ვინმე იმას იტყვის, რომ მეგრელებს ან სიტყვით, ან საქმით მიეცეს საბუთი, რომ ჩვენ ესთქვათ: ისინი აღარ ქართველობენო, პირიქით... ქართველობა მით უფრო ეტყობათ, ჩვენს საზოგადო საქმეში მეტი მონაწილეობას ისინი იღებენ, ქართველს კურნალ-გაზეთებს ისინი მეტს იწერენ, წიგნებს სამეგრელოში მეტი გასავალი აქვს, ვიდრე საქართველოს სხვა კუთხეებში და საერთო საქმის თანამდგომნი არიან“... ბოლოს კი ასე ამთავრებს თავის მგრძობიარე სიტყვებს: „მე ახლა, როცა თქვენს წინაშე ვდგევარ, თქვენებური, მეგრული ღიღინით მახსენდება: „ყულსაბამო მარგალიტო, ნეტავ მარად ჩემთან იყო!“

ნამეტანი სიყვარულით მეშინია არ ჩაკეინტო... დარწმუნებული ვარ, იგი მარად ამ სიტყვებს გულწრფელად გაიმეორებდა.

სამეგრელოს მოსახლეობის გულწრფელი პატივისცემა მგოსნისადმი დადასტურდა 1909 წელს, როცა ქ. ფოთში სახალხო პოეტს მოუწვევს გრანდიოზული შეხვედა, ამ შეხვედრას იონა მეუნარგისთან ერთად ესწრებოდნენ ცნობილი მოღვაწეები. გულში ჩაითბილეს ხანდაზმულ მგოსანი და გადასცეს ულვეი სითბო და სიყვარული.

ბორის დავითაია

რედაქციისგან:

2005 წლის ივლისში, „კოლხეთში“ გვესტუმრა ელისაბედ ბედიას შვილი ადვოკატი ქორა ჭანტურია, რომელმაც მოგვიტანა უნიკალური ფოტო და მოგვაწოდა ინფორმაცია მშობლებზე. გთავაზობთ ამონარიდს მისი ნაამბობიდან, ვფიქრობთ ფოტომასალა და ეს ინფორმაცია უფრო საინტერესოს გახდის მწერლის ბორის დავითაიას მოძიებულ მასალას. (ქორა ჭანტურიას ნაამბობი)

„დედაჩემი- ელისაბედი ლამაზი, კეთილშობილი და ღვთის მოშიში ქალი გახლდათ. იგი სენაკის მახრაში წერა-კითხვის გამავრცელებელი საზოგადოების წევრი იყო. საზოგადოებას თავმჯდომარეობდა ქალბატონი ოლია ხოფურია. ისინი დადიანებთან მოსახლეობაში. უკითხავდნენ ლექსებს, იგაგრაკებს, მოთხრობებს, სასწავლიდნენ წერას. ცდილობდნენ უყურადღებოდ არავინ დაეღრუებინათ, ინდივიდებისათვის ხელის მოწერა მაინც ესწავლებინათ.

„მამაჩემი ალექსი ჭანტურია რუსეთის მეფის კარზე მიღებული პიროვნება იყო. საერთოდ გილდ ვაჭრები მეფის სასახლეში წელიწადში ერთხელ იკრიბებოდნენ და ეკონომიკურ საკითხებზე ბჭობდნენ. მამაჩემს მოვლილი ჰქონდა მთელი ვეროპა, ფლობდა რამდენიმე უცხოურ ენას. იგი ბევრს მოგზაურობდა, ახდენდა საქონლის გაცვლა-გამოცვლას. თავად დახლში არასოდეს ჩამდგარა. მისი ნდობით აღჭურვილი პირი იყო უფროსი ნოქარი დიანოზ ხორავა. მას ექვსი სავაჭრო ობიექტი ჰქონდა ქალაქის ცენტრში (ყოფილი საგზაო პოლიციის მიდამოებში). სასაწყოო მეურნეობა კი განთავსებული იყო იქვე ახლოს (ყოფილი ღია კინოთეატრის ტერიტორიაზე). მამა და დედა ბუნებით გულუხვები იყვნენ. ბევრი შეჭირვებისათვის გაუწევინათ დახმარების ხელი. როგორც ჩემთვის ცნობილია სენაკში სტუმრად მიყვ აკაკი წერეთელს სუფრასთან ექსპრომტად მიუძღვნა ლექსი მშენიერი ქალბატონისთვის ესეგიე დედაჩემისთვის. ამ ფაქტზე დიდხანს ყოფილა საუბარი სენაკის იმდროინდელ საზოგადოებაში“ (გიორგი (ქორა) ჭანტურიას ნაამბობი).



# პოეტ ლანდა მასხულის მეშვიდე წიგნის „სულისთქმა“ – პრეზენტაციაზე



23 ივნისს 17 საათზე, სენაკის სამხატვრო გალერეის საგამოფენო დარბაზში გაიმართა საქართველოს მწერალთა კავშირისა და ჟურნალისტთა ფედერაციის წევრის, ფაზისის აკადემიის აკადემიკოსის, სამეგრელო ზემო სვანეთის დამოუკიდებელი გაზეთის „თავისუფლების მრწამსით“ რედაქტორ-გამომცემლის პოეტ ლანდა მასხულის მეშვიდე წიგნის „სულისთქმა“ -პრეზენტაცია.

ღონისძიების მონაწილეებმა ინტერესით დაათვალიერეს ლანდა მასხულის ცხოვრებისა და შემოქმედების ამსახველი ფოტომატიანე, რომლის მომზადებაში დიდი წვლილი შეიტანა ფოტოსაღონ „კოდაკის“ ხელმძღვანელმა ლაშა გვასალიამ.

ღონისძიების წამყვანებმა ანი ნადარეიშვილმა, თამუნა გვარჯილაძემ და ნიკო კაჭარავამ დამსწრე საზოგადოებას გააცნეს ლანდა მასხულის ბიოგრაფიის მნიშვნელოვანი შტრიხები. სიმღერები შეასრულეს ცნობილმა ქართველმა მომღერალმა ეკა კვალაიაშვილმა, სენაკის ვაჟთა ვოკალურმა ჯგუფმა თემურ ცხაკაიას, თამაზ ეჯიბიას, ბიჭიკო თუნთიას და მერაბ ღომიას შემადგენლობით. ვოკალური ჯგუფის სიმღერის ტექსტი ეკუთვნის ლანდა მასხულის.



ქალბატონ ლანდას 64 წლის იუბილე, წიგნისა და ჟურნალ „ჯიემ სთარი“ გამოცემა მიულოცეს სენაკის მუნიციპალიტეტის მერის მოადგილემ გრიგოლ ბალათურამ, მუნიციპალიტეტის საკრებულოს ფრაქცია „ქართული ოცნება დემოკრატიული საქართველოს“ თავმჯდომარის მოადგილემ ბესიკ ნარმანიამ, მწერალმა ჭაბუკ ქლიავეამ, პოეზიის თავყვანისმცემლებმა: ლუარა ჯიქიამ, ინგა თუნთიამ და სხვებმა. ლანდა მასხულის ვაჟმა სამოდელო სააგენტო „გოდდენ ბრენდისა“ და „ბოლიარტ ჯორჯიას“ დამფუძნებელმა გიორგი მასხულიამ მილოცვასთან ერთად დაანონსა, რომ ივლისის ბოლოს ვარშავაში გაიმართება წიგნისა და ჟურნალის პრეზენტაცია. საღამოს მუსიკალური და ქორეოგრაფიული გამფორმებელი გახლდათ ვეფხვია გორგოძე, ღონისძიებას ესწრებოდნენ სხვადასხვა ქალაქებიდან მოწვეული სტუმრები, პოეტები, ადგილობრივი და რეგიონალური მედიის წარმომადგენლები, პოეზიის მოყვარულები. დასასრულს, პოეტმა ლანდა მასხულიამ მადლობა გადაუხადა დამსწრე საზოგადოებას და წაიკითხა საკუთარი ლექსი.



ლანდა მასხულიას ბიოგრაფიული შტრიხები ასეთია: დაიბადა 1954 წლის 3 ივნისს ქალაქ სენაკში, მოსამსახურის ოჯახში. 1971 წელს წარჩინებით დაამთავრა ქალაქ სენაკის მეშვიდე საშუალო სკოლა, ხოლო 1976 წელს აფხაზეთის სახელმწიფო უნივერსიტეტის ფილოლოგიის ფაკულტეტი. პარალელურად ქალაქ თბილისის უნივერსიტეტის ჟურნალისტიკის ფაკულტეტი. 1980 წელს თბილისის იურიდიული ინსტიტუტის სამართალმცოდნეობის ფაკულტეტი. 1980 წელს მუშაობდა დაიწყო გაზეთ „თბილისის“ რედაქციაში კორესპონდენტად, 1982-87 წლებში მუშაობდა საქართველოს ტელევიზიის პირველი არხის სახალხო მეურნეობის განყოფილებაში რედაქტორად, ხოლო 1987-91 წლებში – გაზეთ „კრიმინალურ ქრონიკაში“ კორესპონდენტად. 1991-1998 წლებში იყო გაზეთ „მანისის“ კულტურის განყოფილებაში ხელმძღვანელი, 1998 წელს დაარსდა გაზეთი „ეკრძო დეტექტივი“. 1980 წელს დააფუძნა გაზეთი „მრწამსი“, (ამჟერად „თავისუფლების მრწამსით“), რომლის უცვლელი მთავარი რედაქტორია დღემდე. 1982 წელს მისი თაოსნობით გამოიცა მეგრულენოვანი გაზეთი „ტორონჯი“. 1995 წლიდან მუშაობდა დაიწყო საქართველოს შინაგან საქმეთა სამინისტროს საგამოძიებო განყოფილებაში განსაკუთრებულ საქმეთა გამომძიებლად. ამავე წლიდან არის ადამიანთა უფლებებისა და პატიმართა სოციალური უზრუნველყოფის საერთაშორისო ორგანიზაციის საკოორდინაციო საბჭოს წევრი.



ლანდა (მზია) მასხულია თანამშრომლობდა ცენტრალურ მედიასა-შუალელებთან. არის მრავალი ლექსის, პუბლიკაციის, ნოველისა და ჩანახატის ავტორი. აქტიურად იყო ჩაბმული ეროვნულ-განმათავისუფლებელ მოძრაობაში არის აფხაზეთის ომის მონაწილე (მონაწილეობდა ლაბრის, ტამიშის და გაგრის ბატალიონებში). აქვს სხვადასხვა სფეროში მუშაობის 45 წლიანი გამოცდილება. იგი კითხულობდა ლექციებს სენაკის ჰუმანიტარულ და აფხაზეთის ცოტნე დადიანის სახელობის ჰუმანიტარულ ინსტიტუტებში.

ქალბატონ ლანდას ერთადერთი ვაჟი გიორგი მასხულია, პროფესიით იურისტი, წარმატებულად მოღვაწეობს სამოდელო სფეროში და გაბედულ ნაბიჯებს დგამს ჟურნალისტიკაში. ახლახან მისი რედაქტორობით გამოცემული ჟურნალი „ჯიემ სთარი“ ფერადი ბეჭდვითაა და მაღალ პოლიგრაფიულ დონეზეა შესრულებული.

ლანდა მასხულის პოეზიის კრებულში „სულისთქმა“ შესულია ბოლო წლების ლექსები. ლექსების მთავარი თემა გახლავთ ქვეყნისა და მშობლიური კუთხის სიყვარული, რითმებში იკვეთება ახლობელი ადამიანების მონატრება, ფიქრები ამქვეყნიური ყოფის საზრისზე, ნოსტალგია განვლილ წლებზე.

გულოცავთ პოეტს წიგნისა და ჟურნალის გამოცემას, ვუსურვებთ ჯანმრთელობას საყვარელ შეიღობთან ერთად ახალ შემოქმედებით წარმატებებს, ნაყოფიერ ლიტერატურულ და ჟურნალისტურ მოღვაწეობას.

მაია შონია, მარიკა მიძაბერიძე

ერთ კრამიტს ღაფღაფს  
სამშობლოსათვის,  
მიძაბის ჩემი წინაარს სული...  
კალმორეული ღოზის თათებით  
მინდა გავაბნო ჩემი მამული.  
რა უშველია ჩემს სულისტკივილს,  
ქართული ჯიემ სამაღ ბაიყო.  
და ვინ გაიბნებს პოეტის ჩივილს,  
ან უშლის კალა ნეტავ საღ იყო?  
ღვარძლი ეღება ზოგიერთ მავანთ  
რა ზიკი ბავახის ან რა მტრობაა?  
ან რა გაუძლებს მავანს და ჩავანს  
მათთვის სიმშხელე სული ტპობაა...  
საღ არ მივიან ჩემი შიშნაბი,  
ჩაბრულ სამშობლოს ზემდე ღაფტირი-  
მავრთხმ ნელ-ნელა და ჩუბად ვჭრები...  
ვეღარ გაჰკვივის ჩემი საშვირი:  
საით მივღივართ, თითქოს სატანა  
ჩაბუღებულა მონახვის სულში,  
მანტია მისი ვერ ავიტანა,  
ოსარი ბამბრა ამ ღაჭირლ გულში.  
მე მიციხოვნე, ღმერთს ვეწოდებო,  
ბაღამირჩინე ჩემი სამშობლო,  
უკვე ვერაზის ვეღარ ვეღრები,  
ღაგალოცინე ჩემი შოგილი.

## ათხაზეთის თღლირბ!

უსოუს უსკაერხე თევეზებს ვითვლი,  
ბიჭვინეთაში მარბალიტმებს...  
ზღვა ისევეც საღამს მითვლის,  
ვეფერები ვერად სიხმრებს...  
ვინ წამართვა აზხაზეთი?  
ან ვინ ჩაღბა ჩემს ცოლვაში,  
კიღვ კარბი ვარ ღაჯეთში  
ღმერთი მწყალოებს მის კალთაში.  
აზხაზეთის ზეცას ვვიცავ,  
მის კარიბჯს მხნელ ღავიცავ...  
ვეფერები ვერად სიხმრებს  
ზღვაში ნაპოვნ მარბალიტმებს.  
როგორ მინდა ერთხელ ბნახო,  
აზხაზეთო, ვრთანათელო...  
და ვრმსკაჟე ბარდმოვსახო  
შენი მთები სანატრელო!  
მენატრება რივის ტბა და ...  
მისი მწვანე თუბრეწები,  
ღამაზი და ერთობ საღა  
ღურჯი ზღვა და ნარიწვები.  
როდის ბნახავ მებოვარო,  
გურბუმოვ, შერგაშობევ...  
იმნებ კოცნა ღაჯაბაროთ  
თქვენს მარბერ სხვას ვერ ვიქმნ.  
ეს ნატრბა და მობრუნება  
მინდა სულწრავ შემისრულდეს,  
და მობღვრავდეთი შებრუნება  
შემობღდეთი და აღარ ბეშუდეთი!  
მენატრებით მებობრავო,  
თარბებო და გულიბო,  
ჩემო ქმებო, ჩემო ღებო,  
აზხაზეთის თოღიბო!

ლანდა მასხულია



# წლები, წლები. . .

ცხოვრების დროთა ცვლას წლები იწვავს. მიმდინარე წლის 30 მაისს ჟიული შარტავას სახელობის სენაკის მხარეთმცოდნეობის მუზეუმში გაიხსნა გამოფენა „წლები, წლები“, სადაც წარმოდგენილი იყო ფოტომასალები ხელოვნების ცენტრის მუსიკატომცოდნის, სენაკის საპატო მთქალაქის ღია ქობალავას პირადი არქივიდან. დამთვალიერებლებს პქონდათ შესაძლებლობა გაცნობოდნენ ჩვენი ქალაქის ცხოვრების გარკვეულ ეტაპებს. აღსანიშნავია, რომ ასეთი შინაარსობრივი დატვირთვის გამოფენა პირველად გაკეთდა მუზეუმში.



ჩვენი ქალაქის კულტურული ცხოვრება იმდენად შემოქმედებითი იყო, ცნობილი პროფესორები გულით ეხმებოდნენ და იზიარებდნენ ღირსესიანისწავ დღეებს. რაიონის ხელმძღვანელობის თხოვნით ქალბატონ ლიას ხშირად უწევდა მასპინძლობა გაეწია რაიონში ჩამოსული საპატო სტუმრებისათვის. ფოტოზე აღბეჭდილი ეს ურთიერთობები ღირებულა სენაკის ისტორიისათვის. გამოფენაში სულ ჩართული იყო 270 ფოტო, აქედან ნა-

წილი აიტვირთა სლაიდის სახით. გამოფენის აწყობასა და ტექნიკური მხარის უზრუნველყოფაში უდიდესი შრომა ჩადეს მხარეთმცოდნეობის მუზეუმის თანამშრომლებმა, თემურაზ რეკვაჯამ, კოვალის ხუნწარიამ, ლერი კართხიამ. გამოფენა გახსნა მუზეუმის ფონდების მცველმა გრიელა ანთიამ. ქალბატონმა ღია ქობალავამ დამსწრე საზოგადოებას გააცნო თითოეული ფოტოს შინაარსი და მნიშვნელობა, მონიტორზე ერთმანეთს ცვლიდა სურათები სადაც აღბეჭდილი იყვნენ გამოჩენილი ადამიანები: ანდრია აფაქიძე, ლექსო თორაძე, სულხან ცინცაძე, ზურაბ ანჯაფარაძე, ვაჟა აზარაშვილი, თამარ ჩარეჭიშვილი, ქსენია ჯიჭია, ანზორ შოშიაძე, ჭაბუა ამირეჯიბი, გიგა ლორთქიფანიძე, ვერიკო ანჯაფარაძე, ირაკლი უჩანეიშვილი, თენგიზ არჩვაძე, ქეთევან კიკნაძე, ოთარ მეღვინეთუხუცესი სენაკელებთან ერთად. 30 მაისის ღონისძიებას ესწრებოდნენ კულტურისა და განათლების სფეროს წარმომადგენლები, ღირსეული სენაკელები. გამოფენის ღირებულებასა და მნიშვნელობაზე ილაპარაკეს მოსწავლე - ახალგაზრდობისა და კულტურის ცენტრის დირექტორმა ლევან უჩანეიშვილმა და ხელოვნების ცენტრის დირექტორმა ვუფხვია ვუფხვაძემ. უმოციური იყო ლურა ჯიჭიას, ზაირა ფაჩულიას, დამირ ზარანდიას, ზაზა ჯანჯღავას, ინეზა ლენჯილიას, კოვალის ხუნწარიას, როენა კორშიას გამოსვლები.

მუსიკალური ნომრები წარმოადგინეს: ხელოვნების ცენტრის პედაგოგმა ნათია შურდუღაიამ, მოსწავლე ალექსი გვასალიამ და პედაგოგ ანი გოგიტიშვილის მოსწავლემ ანა-მარია ლენჯილიამ, ხალხურ საკრავთა ანსამბლმა „მორღუ“-მ ღალი გოგიას ხელმძღვანელობით. საინტერესო იყო 7 ივნისი - გამოფენის დასურვის დღე. ეს იყო სენაკის ისტორიით დაინტერესებულ პირთა თავმოყრა მუზეუმში. ღია ქობალავას, ზაირა ფაჩულიას, მზია ბარქაიას, ედიშერ ბალათურიას, მხარეთმცოდნეობისა და ჟიული შარტავას მუზეუმების თანამშრომლების, მერაბ ყურაშვილისა და ზაზა ჯანჯღავას მონაცვლეობით საუბარი შეეხო ჩვენი სენაკის ტერიტორიაზე არსებულ სამრეწველო ობიექტებს, რომლებიც დღეს აღარ ფუნქციონირებენ. პირველი აგურ-კრამიტის ქარხნის მშენებლობა დაკავშირებულია ცნობილ ინჟინერ დომენტი ქობალავას სახელთან, რაც ქალბატონ ღიას აღწერილი აქვს წიგნში “ჩვენი მშობლების სენაკი”. ქალბატონმა ღიამ გადმოგვცა აგური, რომელიც ვარაუდით არის აგურ-კრამიტის ქარხნის პირველი გამოშვება, თან გამოთქვა სურვილი სამრეწველო ობიექტების პროექციის ნიმუშებს ექსპოზიციაში დაეთმოს კუთხე. ბატონმა მერაბ ყურაშვილმა პირობა შეასრულა და მუზეუმს საჩუქრად გადასცა ცხაკიას ხალიჩების კომბინატში მოქსოვილი “მარია დეთისმშობელი ყრბით”. ჟიული შარტავას მუზეუმის მეცნიერ მუშაკმა ნანა ფირცხალავამ მუზეუმს გადასცა მარსელის კრამიტის ნიმუში, რომელსაც აქვს ფირმის წარწერა „ANDREOLITTI KSANKA.” ჩვენი ქალაქის შენობა-ნაგებობების ნაწილი ამ ტიპის კრამიტით იყო გადახურული. ბატონი რეზო ჯანჯღავა თვლის, რომ ნოსიის აგურ-კრამიტის ქარხანა პირველი სამრეწველო ობიექტი იყო დასავლეთ საქართველოში, რომლის პროექტით მარაგდებოდა მეზობელი რაიონებიც. საულისხმოა ბატონ ედიშერ ბალათურიას მინიშნება, რომ ქალაქის სახელების უმეტესობა წითელი აგურითაა ნაშენი. ეს იმდენად თვალში საცემია, რომ შეიძლება ქალაქის იდენტურობის ერთ-ერთ ნაწილად ჩაითვალოს.



ბრილან ანთია-მირბატიან, სენაკის მხარეთმცოდნეობის მუზეუმის ფონდების მცველი

# ღირსეულის დათვასება

დაფასება ჰქვია იმას, როცა პიროვნების დეაქტის, მის მშობლიურ მხარეში, ჩვენში „ოდაბადე“ რომ ჰქვია, მოწიწებითა და მადლობის სიტყვებით აღნიშნავენ. ვახტანგ დავითაია საქვეყნოდ ცნობილი არქიტექტორია. სახელმწიფო და რუსთაველის სახელმწიფო პრემიის ლაურიატი. არაერთი საერთაშორისო კონკურსის გამარჯვებული და მრავალი ქვეყნის მეცნიერებათა აკადემიის წევრი. მისი სულიერი სამყარო, მისი შინაგანი მე, და თვით მიუღი მისი ცხოვრება, ერთი მთლიანი გვირგვინია, რომელსაც ამაყად ატარებს მსცოვანი შემოქმედი.



ამიტომ იყო მშობლიურმა სენაკელებმა თავი მოიყარეს, სახელოვანი არქიტექტორის წიგნის განხილვაზე. იმ წიგნებისა რომლებშიც დიდი ადამიანური შთაბეჭებითაა შექმნილი და სათუთად მოტანილი მკითხველამდე. რომლებიც დროის უღმრთეს ჭიდილში ჩამოიქნა. სადაც ჩაქსოვილია ავტორის ნიჭიერება, ინტელექტი, ერუდიცია და პროფესიონალი უსაზღვრო სიყვარული.

მისივე სიტყვებით, რომ ვთქვათ „ვწერ ისევე, როგორც ვფიქრობ, ვლაპარაკობ ისე როგორც ვფიქრობ. მე არ მიზრუნია იმაზე, როგორ ვთქვა, ჩემი მიზანი არასდროს ყოფილა სიტყვასთან ჭიდილი“ თუმცა, შესანიშნავ გამოცემებში, რომელთა რაიონული ბიბლიოთეკის სახე დარბაზში, სადამო „წიგნების პრეზენტაცია“ გახსნა ლუიზა კემუღარიამ. მან სენაკის საზოგადოებას, ვ. დავითაიას ყოფილ სტუდენტებს, მეგობრებს, მეზობლებსა და წიგნის მოყვარულებს წარუდგინა ავტორის ნაშრომები, რომლის გამოფენა წინასწარ მოაწვევს და აღნიშნა, რომ ეს წიგნები ვახტანგ დავითაიამ უსასიყდლოდ უძღვნა ბიბლიოთეკას. აღნიშნა, რომ ბიბლიოთეკის კედელს ამშვენებს მისივე ინიციატივითა და ხარჯებით მოწიპობილი დაფა წარწერით „გმადლობთ ჭაბუა“ ღვაწლმოსილმა სენაკელმა, ზაირა ფაჩულიამ მიმოიხილა წიგნები „ჩანაწერები“, და „ცხოვრების ფურცლები“ და საზოგადოებას გააცნო ფრთიანი და საზრიანი ამონარიდები წიგნებიდან. „ხელოვნებაში ბევრი რამაა სადაო, მხოლოდ სპორტშია ერთი სისწორე, გაიმარჯვე

და მორჩა, დაიპყრო ჯომოდუნგმა და მორჩა“ „„ ჭიდან წყალი ვედროთი ამოიღე და არა საცრით“ „„ ჩემთვის კანონიერია ის, რაც გამოადგება ჩემს ქვეყანას, ამ უმძიმეს დროს, ის რაც აძლიერებს საქართველოს“ და სხვას. აღნიშნა ბატონ ვახტანგისა და მოქანდაკე ვაჟა მელიქიშვილის პროფესიული მეგობრობის შესახებ, რომლებმაც შექმნეს სენაკის უნიკალური მემორიალი „კუბი“

მწერალმა ბორის დავითაიამ სიმაყით აღნიშნა „რომ ბატონი ვახტანგი ჩვენს გვარში გამორჩეულია, რომ მშობლიურ ქალაქში მისი ინიციატივით დაპროექტდა „მემორიალი კუბი“ „„სამხატვრო გალერეა“ „„ გმირი, წურწუმიასა და ცნობილი პოეტ ჭალადიდელის ძეგლები“ და არა ერთი სხვა. მან მიმოიხილა წიგნი „იპონური ჩანაწერები“, ასევე ისაუბრა „ავტორიტარიზმის არქიტექტურული ანატომიის“ შესახებ, სადაც ავტორს განხილული აქვს, 2004 წლიდან 2016 წლამდე საქართველოში აშენებული ყველა არქიტექტურული ძეგლი და გამოთქმული აქვს ღრმა შინაარსიანი პროფესიონალი დასკვნები, მათ ესთეტიკურ და მხატვრულ ღირებულებებზე. ბატონი ვახტანგი ბრძანებს: „ რას ნიშნავს ეროვნულობა არქიტექტურაში? არქიტექტურული ატმოსფერო ისე უნდა იყოს წარმოდგენილი, რომ გრძობდეს უწყვეტ კავშირს ერის სულიერ და მატერიალურ კულტურასთან“ შეუძლებელია ამას არ დაეთანხმოს.

დამსწრე საზოგადოების წინაშე წარსდგა სენაკის ყოფილი მთავარი არქიტექტორი ზურაბ პატარაია, რომელმაც სიამოვნებით გაიხსენა ბატონ ვ. დავითაიასთან საქმიანი ურთიერთობა და მადლობა მოახსენა მას, რაიონის მატერიალური კულტურის ძეგლების აღდგენის ზრუნვისთვის.

მხატვარმა, პედაგოგმა ზაზა ჯანჯღავამ აღნიშნა, რომ ის იყო ბატონ ვახტანგის სტუდენტი და თანამშრომელი. განსაკუთრებით ხაზი გაუსვა მისი პედაგოგის და ადამიანურ თვისებებს.

სენაკის საპატო მოქალაქემ დამირ კუჭავამ ნიშნად მადლიერებისა, ვ. დავითაიას, ლექსი მიუძღვნა, რომელიც ასე სრულდება: „მოველი სამყარო დაამშვენეთ საკვირველებით, თან ეფერებით თქვენს მშობლიურ ტაძარ- ნაციხარს, პატივისცემით გაგიბედავთ სენაკელები, ბატონო ვახტანგ, თქვენ ნამდვილად დიდი კაცი ხართ“

ექიმმა დამირ ზარანდიამ, კულტურის ცენტრის წარმომადგენელმა ლერი კართხიამ, პოეტმა გული კირცხალიამ, ვ. დავითაიას დისშვილმა ნატო ყურაშვილმა, ჟ. შარტავას მუზეუმის მთავარმა სპეციალისტმა მარინე აბრამიამ და სენაკის მუნიციპალიტეტის კულტურის ცენტრის დირექტორმა ლევან უჩანეიშვილმა ისაუბრეს წიგნის მნიშვნელობაზე, იმაზე, რომ ვახტანგ დავითაიას შემოქმედებითი სამყაროში მთავარი მარტო სულის დანახვა და აღქმა არაა მთავარი, არამედ უხილავის წვდომა, ახალი, მოწინავე, ევროპული იდეების შემოტანა არქიტექტურაში, ის გახლავთ სამყაროს მშენებლების საიდუმლოს წვდომის უნარით დაჯილდოებული. სწორედ ეს ჩანს თითოეულ წიგნში, სწორედ მითისა და სინამდვილის საოცარი წნულია გამოცემები, რომლის წაკითხვა გიხიდავს, გმუხტავს და ესთეტიკურ შვერძებას გიმძაფრებს.

აზა ბარუნაშვილი

# მუზეუმს გადაეცა



სენაკის ჟიული შარტავასა და მისივე სახელობის მხრეთმცოდნეობის მუზეუმებს სტუმრობდა ჟიული შარტავას ოჯახის წევრი, ნუნუ ალასანი-შარტავა. მან დაათვალიერა საგამოფენო დარბაზები, მადლობა გადაუხადა თანამშრომლებს ჟიულის ხსოვნისათვის ზრუნვაზე და მუზეუმს საჩუქრად გადასცა შარტავეების ოჯახის რელიქვიები: ჟიულის ცხოვრების სხვადასვა პერიოდის ამსახველი ფოტოები, სუვენირები, წერილები, წიგნები და მრავალი სხვა ნივთი.

მარიამ აბრამია



# ვიკლოვდი თიქთია სამყაროებს უცხო მზერაჲი; შალვა კუჭავა (პონტოელი)

„ნივთების როკვა“ – ასე ჰქვია წიგნს, სადაც რამდენიმე ლექსია გაერთიანებული. ავტორის ბიოგრაფიას კარგად ასახავს ეს პოეტური კრებული, როგორც წარსულის – უკვე ჩავლილისა და განცდილის, ერთგვარი გახსენება აწმყოში სიფხიზლისათვის. საოცარი მუსიკალურობა და უღერადობა, სისადავე და სიღრმე გამოარჩევს შალვა კუჭავას (პონტოელის) ლექსებს. ამ სისადავის მიღმა მკაფიოდ იკვეთება შემოქმედის უაღრესად გამორჩეული, რთული და წინააღმდეგობებით დაღდასმული სულიერი სამყარო. მთავარი სათქმელი წიგნის სათაურშივე ფოკუსირდება. ავტორის უპირველესი საწესრიგო თითქმის ყველა ლექსში სხვადასხვა ფორმითაა გამჟღავნებული.

შალვა კუჭავას ფიქრების უმთავრესი სანიშნე ამქვეყნიური, პირველყოფილი, ხელთუქმნილი სილამაზეა. სასრულობასა და უსასრულობას შორის მსაჯულებით ჩამდგარი პოეტის აზრით, ბუნებასთან დაპირისპირება, მის მიმართ უპატივცემლო დამოკიდებულება იწვევს ადამიანში ესთეტიკური საწყისის, პოეტური სულისა და მშვენიერების აღქმის გაქრობას.

სინათლითა და სითბოთი სავსე მელოდია შეიგრძნობა თითოეული ლექსის კითხვისას. წარმოიდგინე პოეტის უმძაფრეს განცდაებს: ქალაქი ერთფეროვანი და უსიცოცხლო რიტმით სუნთქავს; ისტერიულად აყვავებულ, მტვრიან ქუჩებში ბავშვობასთან ერთად დაეხეტება და ენატრება ჩავლილ დღეებთან სულის მოსათქმელად მიბრუნება. პოეტის ბავშვურად უმანკო სული სავსეა პირველხილულ საგანთა კაშკაშა სინათლითა და მონატრებული ბავშვობის დღეებით, რადგან, იქ, ბავშვობაში დარჩენილა პირველყოფილი სიწმინდე და მშვენიერება; გული კვლავ ტეხურის ნაპირებისკენ მიუწევს; შორეული წლებიდან გამოყოფილი ტყეში ჩასახლებული მითებისა და ზღაპრების სიყვარული; კავკასიონის მთებზე რკინის ჯაჭვებით მიბმული ამირანის მიმართ სიბრალულის გრძობაც იმდროინდელია; ზამთრის მკაცრი სიცხეში, ბუხრის პირას, გოლიათზე მოსმენილი თქმულება შთააგონებს, სიცოცხლის უკანასკნელ წლებში დაწეროს ეპოსი ამირანზე და ამით თავი დააღწიოს მესხიერებაში მტკიცედ აღბეჭდილ უცნაურ და უჩვეულო ხმებს, სოფლის ტყეებისა და დრანტეების იდუმალი წიადში რომ მოუსმენია და ამ ხმების შემაქრულვებელი განცდით გულშეკრულს დღემდე ძილს უფრთხობს და მოსვენებას უკარგავს.

ქალაქის ექსპრესიული, თავბრუდამხვევი ცხოვრებით ქანცააწვევტილს თვალი დაუდგება ხსოვნაში ფოტოასლებად დარჩენილი და მშვენიერების მათრობელა სურნელით გაუღენთილი სოფელი; მტანჯველი ფიქრების აღმძვრელია დიდი ქალაქი თანამდგომარეობით, რომელიც უსადას მიღმა არსებული სიცარიელისა და მშრალი უსასრულობით; ამიტომ ცდილობს, გაექცეს აწმყოში, ქალაქური ყოფის სულის-შემსუთველ და პროზაულ სოციალურ ატმოსფეროს; დრამატულია და უნუგეშო წარსულში დაბრუნებაც, მაგრამ მან იცის, რომ მომხიბვლელია წარსული, როგორც „მთელი ძველი ფილოსოფია ოხვრა-ვაების და აცვენილ ცრემლთა ციბრუტის“ („მოკითხვა სოფელს“); სოფლის მორალურ კლიმატს შესისხლხორცებითა მისი სული; ამიტომ ზის და ფუნჯით ნათელ ფერებში ხატავს პოეტური შთაგონების სამყაროს – ბავშვობისდროინდელ შთაბეჭდილებებს; ხატავს ბუნებასთან, მიწასთან ახლოს მყოფ ადამიანებს – ზნეობრივებსა და ჭკემაბრიტი სულიერი სილამაზის მატარებლებს; ისინი უფრო ღრმად და შინაგანად შეიგრძნობენ ბუნების პულსაციას, პირველქმნილ მშვენიერებას; სწორედ ამ მშვენიერებასთან სიახლოვე და უხილავი ძაფებით კავშირია შემოქმედის სულიერი მდგომარეობის კრიტერიუმი; მთისკალთებიდან ბარტყივით აფრენილი სიო და ხრამში ამტკვევებული თეთრი ღამეები შეასხენებს, რომ ისიც საერთო-უნივერსალური ყოფიერების – ბუნების ნაწილია; მოღვე კერპივით გაშიშვლებული ვაჟაკი გაპყურებს ხრამებსა და ზღაპრულ აფრებად გადმოშლილ მთაგრეხილებს; სულში უფაქიზეს სითბოდ ეღვრება ნაკადულების სიმღერები.

„მოსჩანდა მთვარე, სივრცეებით გადატკეპნილი და მარათებს ბალახებში არხვედა ღამე. ჩემს წინ დგებოდნენ გუმბათები ურიცხვ ქვეყნების, ვიკვლევდი ფიქრთა სამყაროებს უცხო მზერაჲი; ოსჩანდნენ მთები მიწის ზურგზე მწვანე კეხებად და მერანვით ნავარდობდა ქარი ვერანი...“

ქალაქის ყოველდღიური, ერთფეროვანი ცხოვრების რუტინასთან შეგუება, „მიანქანების კვამლით გაბერილი“ ქუჩებისა და როსკიპივით დაკორინთილი მთვარის ხილვა სულიერი მარტოობის განცდას უძლიერებს პოეტს; უნუგეშო წარსულისკენ პირშექცეული პაპროსივით აბოლებს დღეებს და მაშინ,

„როდესაც გული აქმინდება როგორც საკირე, ავღრიადლები ქვაფენილზე მშიერ მგელივით, ან ვედარები ინდოეთის მფრინავ ფაქირებს...“

ქალაქის გაუცხოებული და ობივტელური ატმოსფერო „შეასხენებს“, რომ ნამდვილი ფასეულობებისათვის აქ ადგილი არ არის, რომ ნივთების როკვაში შეუძლებელია იგრძნო ბუნებასთან, როგორც პირველსაწყისთან, სიახლოვე და ერთიანობა. ინდუსტრიულ ცივილიზაციას სტანდარტული ბედნიერება ახასიათებს, რაც მიუღებელია მისი ფაქიზი სული-სათვის; გრძობს, რომ ქარხნების საყვირი და ფოლადის ღვედები დეჰუმანიზირებულ ზეგავლენას ახდენს ადამიანის შინაგან სამყაროზე: „სხეულზე ფოლადის ღვედები გვეხვევა და გვბურავს მღელვარე ნივთების ზღვა“ („მეზავრობა სოფლიდან ქალაქში“), მაგრამ პოეტს ისიც მოესხენება, რომ ტექნიკური პროგრესიგან „განზე დგომა“ და კარნაქტილობა, გარესინამდვილისაგან გაქცევა შეუძლებელია იმდენად, რამდენადაც თავად ცხოვრება ადამიანის წარმმართველი ძალა.

„ეხლა, დაიკო, ვინც შეჩერდება ახალ ბილიკზე ძველი ხორბლებით; დაუწყებს ქარის წისქვილს შეტევას ლამინჩელ რაინდ დონ-კიხოტოვით. უკან მოხედვა არას გვარვია, რომ არ ვაბარებთ წარსულს ანგარიშს; დღეს სამარავო ნივთთა ბარგია მთები ოდესღაც ნააბრავალი...“

– წერს პოეტი დისადმი მიძღვნილ ლექსების ციკლში.

ყოფის ეკრანზე დინჯად ჩავლილი წარსული ცხოვრების ახალმა სტილმა შეცვალა:

„და მოვა ქვეყანა, უძირო, ახალი, სადაც გზა ცეცხლია, რკინები ზღვა...“  
და რომ „ბრჭყვიალა ჩანჩქერმა სხეული შედგა და ახალ ცხოვრების ვითხულობით წიგნს...“

(„მეზავრობა სოფლიდან ქალაქში“).

თავისი დროის უამრავ საფიქრალზე კონკრეტული პასუხი შ. პონტოელის არაერთ ლექსში გვხვდება. „თან ეუბნება: – გოგო ღარიბო!... შენ გაგონდება ცხოვრება სოფლიდან!“

მამაშენს ყავდა კარგი ხარები და იწურავდა ცხოვრებას ოფლიდან!

ზოგჯერ დღეეში თევზებს იჭერდი, ანკარა წყაროც მოგქონდა თანით

და ფეხშიშველი სოფლის ბიჭები ცოცხალ თაიგულს გაფენდნენ თავზე...  
მაგრამ ჩემს ლექსსაც დაუგდე ყური!... სულ სხვაგვარია ჩემი რომანსი,

იქ უდარდელად ზეცა გეხურა, აქ კი ოცნებობ კეთილ შრომაზე.

მიმოიხედე!... აქ თამაშია, ყოველ თამაშზე უფრო მაგარი!

იქ ბალახებში სძინავს მამაშენს, აქ-კი სჩქევს ბრძოლის ნაამაგარი.“

(„ქალაქი წუთით“)

არქაულ სოფლურ ცხოვრებასა და ქალაქურ ცხოვრებას შორის გამართული ბრძოლა შალვა პონტოელის შინაგან სამყაროში მძაფრად მიმდინარეობს.

„ვარ ორ ნაწილად გააბობილი ადამიანი: ერთი წინ გარბის და მეორე შესცქერის კულისს“,

– ეს ნაწვევია ლექსიდან „არდატკვის მანდატი“.

ასეთივე განწყობაა შემდეგ სტრიქონებში:

„იყო თვალეში დამყარო ორი: ერთი მხრით – სივრცე პლანეტებს შორის და მეორე მხრით – ცრემლი ბავშვური;“

ან

„დედაო – დედა დღეს შენი შეილი ორ მხარეს ხედავს და დგას მათ შორის უცნაურ მხედრად“.

(„განგებ დაობლება თუ გამბედაობა“)

წარსულის სასოწარკვეთილი ექო და აწმყოში არსებულ სინამდვილეზე აქცენტირებული შიშის სიმძაფრე გამოარჩევს ლირიკულ პოემას – „ქართული ღამე ევროპიულ ტფილისში“. ავტორის ფიქრებისა და განცდების დაფარული ტრაგიზმი და განწირულობის ინტონაცია მასში ისე იკვეთება, როგორც კონტრუბები ჩრდილების თეატრში. ტფილისის ცაზე გიდელივით დაკიდებული მთვარის ხელოვნური სხივები მეტეორივით დაცემია საქართველოს დედამდინარეს:

„დაეცა მძლავრად და შემოსძახა რაღაც საშიში, ცეცხლის არია:–

მთვარევეს, ტარიელს ვედარ მონახავ, რადგანაც შოთა უკვე მკვდარია!

მკვდარია შოთა და ვეფხის ტყავით პოემის გმირებს არავინ ბურავს–

ზის დარეჯანი კაფეში ყავით და თინათინიც

მიირთმევს ბურახს.

ავთანდილს ხელში უჭირავს ტროსტი და ტარიელი

მიათრევს პორტფელს, რომ დაემსგავსა ნესტანი როსკიპს და ცხელ ქუჩებში ვნება აორთქლებს...“

დროის დინება, როგორც საშიში და მკაცრი რეალობა, მძაფრი განცდით შეიგრძნობა ზემოთ მოტანილ სტროფებში. ტექნიკური რევოლუციის შეუზღუდველი პროცესი ემპირიული გარდუვალობაა და, თავისთავად, რთულია მისგან თავდაღწევა, გაქცევა. ქალაქს აკლია ინტენსიური შინაგანი აქტივობა; მშრალი დღეების მღორე და უსიცოცხლო რიტმი ახლუნგებს სულის გამძაფრებულ ენერჯის, რაც იწვევს შემოქმედში სევდის წახანავების გაშიშვლებას; მაშინ სულის ფსკერში ჩაღვრილი შრეებიდან უსაშველო კაეშინიც ამოტივტივდება. მონოტონური, ცხოვრების ერთფეროვანი და მოწესრიგებული დინება სოციალურად სასარგებლო აქტივობის წინააღმდეგაა მიმართული. დროის დინებას გაპყლია სიმსუბუქე, პაერონება, რომანტიკულობა, სულიერი ცხოვრების ემოციური მთლიანობა.

შეუნიღბავ სიმართლესთან პირისპირ მდგარი ხედავს, რომ დაკარგულა სწორხაზობრივობის ნიშანი წარსულსა და აწმყოს შორის, ჩახშობილა „სულის-მიერი ხმა“ და ტრადიციებისადმი ერთგულება. ამ პოემაში უაღრესად თანამედროვე ადამიანის თვალთაა დანახული მწარე რეალობა. პოეტი აზრობრივი და ემოციური თვისებების ერთობლიობით მკვეთრად განსაზღვრავს თავის პოზიციას. ესაა სკეპსისთან და პრაგმატიზმთან შეუგუებლობის გრძობით გამოწვეული ტიპიური და ტიპილისგან ვერგაქცევის სევდა.

შ. პონტოელის წიგნში წარმოდგენილი ასოციაციები გარდასულიდან უფრო მეტად შეგვაგრძობინებს უსუსურობის ჩაღამებულ სევდას:

„ამპარტავანო, უძლეველო და ქედმაღლო!...  
დედამდინარეც, საქართველოს, დაუგეშელო!...  
გშვენოდა ერთ დროს მისტიური, შორი დუღუნი და ნაპირებზე ქალდეველთა მძლავრი კივილი...  
დედურ ნაინით აძინებდი, მტკვარო, მაღალო!  
შენს ნაპირებზე ატირებულს მგოსნების თარებს!

გახსოვს მურვანი, შაჰ-აბასი, ალა-მამად-ხან; თურქ-მონღოლების და ირანის ტირანის რისხვა...“

(„მტკვარი“).

დროის უღმობელ დინებას გაპყლია მტკვრის „მისტიური, შორი დუღუნი და ნაპირებზე ქალდეველთა მძლავრი კივილი“. საუკუნის შურდულით და გლეჯილ დედამდინარისთვის ეპოქათა ცვალებადობას მკაცრი განაჩენი გამოუტანია და უკვე

„მტკვარო, მდინარეც საქართველოს, ტბილო დედაო! ჩამოდრწობილო სხივთა ბოძზე ზვიად ზაპსით!... ავიხდა წვევლა, მოვიხელა ცეცხლის ვეშაპა, ხარ უილაჯო, უსახსარო და უნუგეშო!...“

ეს ლექსიც, ისევე როგორც სხვა დანარჩენი, იმისთვის დაიწერა, რომ ურბანიზაციის გლობალური მოვლენებით სულის მოსალოდნელი გაუხეშებისაგან იხსნას პოეტი ადამიანი. ესაა პოეზიის უპირველესი და უმთავრესი დანიშნულება, იმდენად, რამდენადაც სწორედ პოეზიაშია მოცემული დროის შესაფერისი პასუხი ადამიანის განწყობილებასა თუ სატყვეობაზე.

შალვა პონტოელიც გამჭვირვალე და თავისთავადი პოეტური შთაგონებით, კრისტალური სიწმინდით, ერთგულად ემსახურებოდა ადამიანის სულის თვისებების გადარჩენისა და სიწმინდის დამკვიდრების ურთულეს საქმეს. შემოქმედებითი ცხოვრების მიზანდასახულობად ამაზე ფიქრი მიანდა და გარდაცვალებამდე სტანჯავდა. თუმცა, სამწუხაროდ, მისი პოეზია, დრამატურგიული ნაწარმოებები ყოველთვის ლიტერატურის კრიტიკოსთა ყურადღების მიღმა რჩებოდა...

1960 წლის 6 მარტს ჩუმად, უხმაურად გაცალა წუთისოფელს...

საბედნიეროდ, დროისა და გემოვნების დისტანციურობის წყალობით უფრო მეტად შევიგრძნობთ აუზღვრველი სინათლის იმ ნაკადს, რაც ასე უხვად მოედინება შალვა კუჭავას (პონტოელის) პოეტური სამყაროდან.

იბორ კეკელია